

DOCUMENTA HISTORICA

QUE

AD SANCTUM THOMAM CANTUARIENSEM PERTINENT.

I.

CAUSA INTER CANTUARIENSEM ARCHIEPISCOPUM ET EPISCOPUM LONDONIENSEM.

Archiepiscopus dicit se publice excommunicasse A Londoniensem episcopum, ex justis et notoriis causis : scilicet tanquam incentorem schismatis, manifestisque turbatorem ecclesiasticæ pacis, et reum inobedientiæ jugis. Afferit enim eum, schismatis occasione, quosdam Ecclesiæ rebelles et ecclesiasticarum libertatum oppressores manifeste sovisse, canonesque ac mandata sua de coercendis et puniendis illis palam hactenus contempsisse. Propter hæc velut manifesta, sicut ait, et notoria, nec etiam ordinem judiciarium in ejus excommunicatione servandum putavit, sed, licet absentem, ignorantem et indefensum, licet inauditum, licet nec citatum nec communitum, juste tamen et canonice, sicut allegat, damnavit, tanquam operum evidencia de crimen suo confessum. Scribit enim Ambrosius : « Manifesta accusatione non indigent. » Item Stephanus papa : « De manifesta, » inquit, « et nota plurimis causa non sunt querendi testes. » Sicut de fornicatore Corinthio sanctus exposuit Ambrosius : « In aliis quidem non est judicis sine accusatore damnare, quia Dominus Judam, cum esset fur, quia non est accusatus, minime abjecit. Cognito autem prædicto opere fornicatoris, pellendum eum de cœtu fraternitatis Apostolus censuit. Omnes enim crimen sciabant; publice namque novercam suam loco uxoris habebat. In qua re nec opus erat, nec tergiversatione aliqua crimen tegi poterat. De quo Apostolus : Absens, inquit, facie, præsens autem auctoritate Spiritus qui nusquam deest, jam judicavi ut præsens, C eum qui hoc admisit, tradi Satanae in interitum carnis. » Juxta quod item Nicolaus papa ait : « Quæ Lotharius, » inquit, « rex fecit, accusatione non indigent. Manifesta sunt opera carnis, quæ sunt fornicatio, immunditia, » etc. Dimiserat siquidem uxorem propriam, et aliam superinductam publice teinebat; siveque, licet nec accusatus nec citatus, canonice tamen excommunicatus est.

Similiter itaque, quamvis præter ordinem judiciorum, recte tamen a se dannatum Londoniensem episcopum asserit archiepiscopus; tanquam schismatis studio manifestum pacis ecclesiasticæ perturbatorem, et publice, opere contemptus, ipsorum canorum et suorum mandatorum inexcusabilem transgressorum.

Quod enim pacem ecclesiasticam manifeste perturbavit, hinc arguit : quod, cum dominus rex contra sacras leges et canones ac Ecclesiæ libertates prima sibi de consuetudine regni servanda publice in concilio suo commenioraverit, et ab episcopis exegrit, idem episcopus, ut afferit, factus ibidem tanquam canis mutus non valens latrare, non ascendit ex adverso nec posuit se murum pro domo Domini, B ut staret in prælio; sed etiam, quod longe deterius est, prætextu schismatis Romanæ Ecclesiæ, regi condescendendum suadere palam enitus est, coepiscoporum animos ipse potissimum enervans quos potissimum et debuit et potuit ad contradicendum animare, sicut inter eos potestate primus et auctoritate præcipiuit. Quod eum affirmat fecisse, non ob aliud quidem, nisi ne gratiam regis amitteret, quam tunc præ ceteris obtinebat, cum econtra sic ait Anacletus : « Nihil sit illo pastore miserius, qui luporum laudibus gloriatur, quibus si placere voluerit, atque ab his amari delegerit, erit hinc ovibus magna perniciens. » Itaque, sicut prosequitur, per episcopi conniventiam rex factus audacior, et ad exigenda, quæ non decuit satis, ardentior, cum aliquandiu ceteri substitissent, ipsis deinceps offensus, durus, terribilis, et in multis adversus esse cœpit. Eundem autem episcopum in uberiorum satis familiaritatem admisit. Sic igitur infert indubitabile palam esse, quod Ecclesiæ pacem turbaverit. « Facientis enim, » ut ait Joannes papa, « procul dubio culpam habet, qui, quod potest corrigere, negligit emendare. » Scriptum quippe est : « Non solum qui faciunt, sed

etiam qui consentinent facientibus, participes judicantur. Negligere enim, cum possit quis deturbare perversos, nihil aliud est quam favere: nec caret scrupulo consensionis occulte, qui manifesto facinori desinit obviare. » Item Innocentius: « Error cui non resistitur approbatur, et veritas cum minime defensatur, opprimitur. » Item Gregorius: « Consentit erranti, qui ad resecanda quæ corrigi debent non occurrit. »

Deinde, sicut prosequitur archiepiscopus, cum formidabili metu et multis oppressionibus dominus rex in exactis obtinuisse, idem archiepiscopus non multo post metus instantiam reversus ad cor, et dolore cordis tactus intrinsecus, nec sui vel suorum reveritus pericula vel damna, ubi exsilium subiit, ibi acerrimam de promissis contra dominum et Ecclesiam poenitentiam agens, post sui suorumque proscriptionem, et post expectationem annuam, in eorumdem promissorum exactores, observatores, eisque consentientes, generaliter et publice sententiam anathematis dedit. Quam ut per Angliam denuntiaret, in vi obedientiae mox episcopo Londoniensi, suffraganeorum episcoporum decano, scripsit et injunxit; mandans eisdem et aliorum quorundam, quæ secundum Deum erant, executionem, in virtute similiter obedientiae. Qui, sicut ait, nihil mandatorum implens, sed tergiversationibus quibusdam aperte subtersugiens, sique operis evidencia crimen suum manifeste confessus, aperte sententiam excommunicationis incurrit. Canonum siquidem violatores et eis consentientes, sub anathemate constituit Adrianus papa dicens: « Generali decreto constituimus, ut execrandum anathema fiat, et velut prævaricator fidei catholicæ semper apud Deum reus existat, quicunque regum, vel episcoporum, aut potentum deinceps, Romanorum decreti pontificum in quoquam crediderit vel promiserit violanda. » Item Damasus papa: « Violatores canonum graviter a sanctis Patribus judicantur, et a sancto Spiritu, cujus instinctu dictati sunt, damnantur: Quia Spiritum sanctum blasphemare non incongrue videntur, qui contra eosdem sanctos canones aliquid vel agunt vel loquuntur, vel facere voluntibus consentiunt. » Item Gregorius: « Nulli fas est vel velle, vel posse transgredi apostolicæ sedis præcepta. Sit ergo ruinæ suæ dolore prostratus, quisquis apostolicis voluerit contraire decretis; nec locum deinceps inter sacerdotes habeat, sed extorris a sancto ministerio fiat. Non de ejus judicio quisquam postea curam habeat. Damnatus a sancta et apostolica Ecclesia sua, inobedientia atque præsumptione, a quoquam esse non dubitatur, qui non solum præfatae sanctæ Ecclesiæ jussionibus parere debuit, sed etiam aliis, ne præterirent, inculcare. Sitque alienus a divinis et pontificalibus officiis, qui noluerit apostolicis obedire præceptis. »

Hunc etiam reatum, ut archiepiscopus addit, sibi palam episcopus auxil, cum mandata sua, de prosequenda quæ secundum Deum erant, tam contu-

A maciter tamque frustratorie declinavit, et manifeste subtersugit. Unde tanquam notorie reus, statim, ordine judicario prætermisso, non indigne nominatum est excommunicatus.

Episcopus contra: Sententiam excommunicationis in se quamvis de facto latam, de jure tamen tenere negat, velut aperte contra jus et ordinem legum et canonum datam. Multoties siquidem, etsi de facto detur, nullatenus tamen apud Deum, vel apud homines ligat: veluti si quis excommunicetur ut compellatur ad malum; verbi gratia ut schismaticus aut hæreticus fiat aut pernaneat. De talibus enim ait papa Gelasius: « Cui est illata sententia, deponat errorem, et vacua est: si injusta est, tanto eam curare non debet, quanto apud Deum et ejus Ecclesiam neminem iniqua sententia gravare potest. Ita ergo se ea absolví non desideret, qua se nullatenus ligatum videt. » Si quis item vel majorem, vel paucim sibi, vel alterius parochianum excommunicet; patet quod nullum eorum aliquatenus excommunicatio tenet; scribit enim Calixtus papa: « Nullus alterius terminos usurpet, nec alterius parochianum excommunicare præsumat. » Quare talis excommunicatione nec rata erit, nec vires ulla habebit, cum nullus alterius judicis, nisi sui, sententia tenebitur: ubi sicut in concilio, apud Compendium, pro communii utilitate statutum est: « Cum alter episcopus alterius parochianum, causa deprædationis excommunicaverit: item et qui a prelato suo in causa qualibet ad majorem audientiam appellat, jam ejus jurisdictioni quantum ad causam illam non subjaceat. » Et ideo sicut nec judicari, sic nec etiam excommunicari, propter eam, ab illo deinceps potest, aut debet. Ut enim decrevit Sixtus papa: « Quoties episcopi se a comprovincialibus suis, vel a metropolitano prægravari putaverint, aut eos suspectos habuerint, mox Romanam appellant sedem, et interim eos nullus excommunicare præsumat. Quod si aliter a quoquam fuerit præsumptum, nil erit, sed viribus carebit. » Moris etiam quandoque fuit, in excommunicationis sententia, sicut et in aliis, ut eam suspenderet appellatio, post etiam mox interposita. Siquidem in Digesto scriptum est: « Integer status esse debet provocatione interposita. » Ergo eti abstinere ordine quis jussus sit, et provocaverit, potest interim participare, cum sit hoc constitutum, et sit juris, ne quid pendente appellatione moveatur; iuxta quod et adhuc obtinet, ut, si quis clericorum ab officio fuerit suspensus, et appellaverit, interim pro suspenso non habeatur; sicut nec degradatus pro degradato, nec de beneficio privatus, pro privato. Secus autem ideo forte jam obtinet in excommunicatione, quia secum habet sui executionem; quia mox eliminat ab Ecclesia, et loquendi jus tollit. Provocari non potest ab executione sententia, propter eaque nec ab excommunicatione. Quamvis autem sequens appellatio non suspendit excommunicationem, procul dubio tamen præcedens eam impedit ne fieri possit. Licitque de facto subsecuta fuerit,

ipso jure tamen eam infirmat, et irritam facit; quia pristinum statum prorsus integrum appellanti custodit. Item excommunicationem contra censuram et ordinem canonum factam nullius esse momenti constare debet. Ordo quippe servandus est: sic enim statuit Adrianus papa: « Nemo suspendendus est a communione, nisi evocatus ad causam minime occurrerit. » Item in concilio Parisiensi: « Nemo praepropere vel praepostere scilicet nec commonitus, nec convictus, est judicandus. » Item Augustinus: « In episcoporum concilio constitutum est, nullum clericum, qui nondum convictus est, suspensi a communione debere, nisi ad causam suam examinandum se non presentaverit. » Item: « Nos quemquam a communione prohibere non possumus, nisi aut sponte confessum aut convictionem. » Itaque cum excommunicatur qui nec convictus est, nec confessus, imo nec auditus, imo nec citatus, imo nec commonitus; talis siquidem excommunicatione nihil virium habere recte credi debet, veluti contra canones vel ordinem ecclesiasticum facta. Sicut et « prolatam » ut in codice legitur, « sententiam contra solitum iudiciorum ordinem, auctoritatem rei judicatae non obtinere certum est. » Item: « Ea quae statuuntur adversus absentes, non per contumaciam scilicet, denuntiationibus nequaquam ex more conventos, iudicatae rei firmitatem non obtinere. » Quod utique multo ferventius in excommunicatione tenendum est; quae quanto terribilius immaniusque præcipitat, scilicet in diaboli potestatem, in ipsam etiam unitam mortem, tanto magis contra ordinem non est præcipitanda: præsertim in episcopum, qui nec excommunicari nec etiam audiiri debet nisi in synodo: sicut testis est Julius papa: « Nullus episcopus, » inquit, « nisi in legitima synodo pulsatus, audiatur, vel judicetur, vel damnetur. » Item Zephirinus papa: « Quilibet episcopus non prius audiatur, vel judicetur, vel excommunicetur, quam regulariter vocatus sit ad suorum conventum episcoporum, et per eos ejus causa rationabiliter discernatur. » Item Hyginus papa: « Nullus metropolitanus, absque cæterorum omnium comprovincialium instantia, de causis episcoporum aliquid agat, quia irritare erunt, aliter actæ, quam in conspectu omnium ventilatae. » Item Calixtus papa: « Si quis metropolitanus, nisi quod ad suam solummodo propriam parochiam pertinet, sine concilio comprovincialium omnium episcoporum, agere tentaverit, irritum erit et vacuum. »

In crimen quidem notorio, quod et præter ordinis observationem recte detur excommunicationis sententia, sicut allegat archiepiscopus, nec diffletur episcopus. Crimen autem notorium in se prorsus diffletur, scilicet ecclesiasticae perturbationis et inobedientiae. Pacem enim Ecclesiae, sicut affirmat, nullatenus turbare studuit, sed, quantis consiliis et auxiliis potuit, sovere et augere laboravit. Nec occasione schismatis in aliquo malignatus est contra Ecclesiam. Sed ne schismatis malum etiam Angliam

A occuparet, sicut saepius ruit, ob domini papæ et Ecclesiæ Romanæ fidelitatem, non superbe, non contentiose, non nimis severe agendum sensit et egit: tolerabiliorem reputans in quibusdam dissimulationem, et ad tempus patientiam, quam separationis augere perniciem, ipsius etiam sanctæ Romanæ Ecclesiæ, quæ diebus his pleraque dissimulavit et sustinuit, secutus exemplum, et documenta sanctorum. Ait enim Urbanus papa: « Ubi multorum strages jacet, subtrahendum est aliquid severitati. » Item Augustinus: « Ubi per graves dissensionum scissuras, non hujus aut illius hominis est periculum, sed populum strages jacent, detrahendum est aliquid severitati, ut, majoribus malis sanandis, charitas sincera subveniat. » Idem: « Cum quisquam fratrum et Christianorum in Ecclesiæ societate constitutorum, in tali peccato reprehensus, ut anathemate dignus habeatur: fiat hoc ubi schismatis periculum nullum est. » Idem: « Non potest salubris esse correctio, nisi cum ille corripitur, qui non habet sociam multitudinem. » Et infra: « Consilia separationis et inania sunt, et perniciose, atque sacrilega: quia impia et superba sunt, et plus perturbant infirmos bonos, quam animos malos. » Hæc itaque, sicut att episcopus, ipse secutus, si quid contra Ecclesiam exactum vel actum novit, non mox consensionis culpam contraxit, vel pœnam meruit, si non restitit, si non defensavit, si non vindicavit, cuius locum officium fuit. Non enim quidquam timide, vel malitiose quidquam omisit, sed utiliter et consiliose quædam dissimulans, quædam sustinens, saepius etiam dominum regem intrepide, sed benigne, convenit; multis etiam terendo, (sed non commovit); ponens, sicut instruit Augustinus, ante oculos Dei iudicium; terrens eruentam conscientiam, et simplicem suadens pœnitentiam. Multa multoties vel non fieri, vel corrigi, modestia supplicationis obtinuit, quæ nullatenus impetrasset, si devium contentionis et severitatis incessisset. Cui non debet in vitium deputari, vel ad odium retrorueri, si domini regis gratiam sibi quæsivit aut servavit; præsertim cum apud eum nulli nocuerit, et multis saepè profuerit. Quod multo levius, et plenius archiepiscopo, tanquam specialius dilecto, potuisset evenisse, si modestiae et humilitatis viam voluisse elegisse. Non itaque, sicut insert episcopus, officii sui neglector, vel canonum contemptor, aut violator fuit; quia, si quid forte tunc egit necessitate, non tamen voluntate. Violatores autem canonum definit Damasus papa: « qui contra eos non necessitate compulsi, sed voluntarie faciunt vel facientibus consentiunt. » Et, sicut ipse ait, nec mala fecit nec malis consensit, sed, quatenus licuit et utile credidit, quantum potuit obviavit, implens illud prophetæ: « Recedite, exite, et immundum ne tetigeritis. » « Quid est? » ait Augustinus, « tangere immundum, nisi consentire peccatis? Quid est autem inde exire, nisi facere quod pertinet ad correctionem malorum, quantum pro eujusque gradu atque persona salva pace

sieri potest? Displicuit tibi quod quisque peccavit? non tetigisti immundum. Redarguisti? monuisti? corripiisti? adhibuisti etiam, si res exegerit, congruam, et, quæ non violet, disciplinam? Existi inde. Illoc est immundum non tangere, et voluntate non consentire, et ore non parcere. » Item: « Neque consentientes sitis malis ut approbetis, neque negligentes ut non arguatis, neque superbientes ut insultanter arguatis. » Item: « Quisquis vel, quod potest, arguendo corrigit, vel, quod corrigerem non potest, salvo paris vinculo excludere non potest, æquitate improbat, firmitate supportat: omnino liber, prorsus securus, penitus est alienus. » Item: « Ita, quis malis sociatur, si mali aliquid cum eis committit, aut committentibus faveat; si autem neutrum facit, nullo modo sociatur. Porro, si addat tertium, ut justus in misericordia corripiat, vel, si eam personam gerit, et ratio conservandæ pacis admittit, etiam coram omnibus arguat; removeat, vel ab aliquo gradu honoris, vel ab ipsa communione sacramentorum, plenissime officium implevit. Ubi autem cætera impediuntur, illa duo retenta semper incorruptum custodiunt; scilicet ne faciat malum, nec approbet factum. » Ex his itaque se non solum a reatu consensionis malorum excusat probat episcopus, sed etiam manifestum in se modestiæ prævidentiæque præfert indicium, dum mala melius tulit, quam si etiam foras extulerit, et per hoc immens schismatis argumentum impedivit.

Plus etiam dicit, quod exactionibus domini regis non mox vel condescendit, vel condescendendum suasit; sed, cum coepiscopis, non minori periculo, nec impari sollicitudine substitut, donec, aliquandiu post, communiter, ob sedandam regis iram et vitandam Ecclesiæ turbationem non minimam, placuit ut regias consuetudines promitterent generaliter omnes, non expressim alias (quia expressa nocent, non expressa non nocent): consuetudines etiam nomine tamen bonas intelligentes. Cum autem dominus rex, quales voluit, post expressisset, et in scriptum redigisset, id sigillis archiepiscorum et episcoporum confirmari petens instanter et urgens graviter post multam et integro die cum episcopis protractam hæsitationem, tandem archiepiscopus sincæteris solus succubuit, et acquievit. Ipse viderit, si dignæ metum aliquem honori Dei et ordini suo prætulerit; si fidem etiam domino papæ et Ecclesiæ Romane servaverit, ad quam arctius de speciali juramento tenetur. Viderit etiam si, post Scyllæam voragine, non etiam Charibdim inciderit, cum omnem præmissionem regi deinde ruperit. Horum omnium se participem et reum negat episcopus, in centoremque schismatis, et perturbatorem pacis Ecclesiæ, tam vere quam probabiliter difflitetur.

Ab inobedientiæ quoque criminè se non minus excusat.

Quidquid enim mandatorum archiepiscopi vidit non lædere statum Ecclesiæ, diligenter, ut asserit, executus est, magis ex officio suo, quam ex obedienc-

A tñ debito; quippe ut ad quam se ei non teneri constanter affirmat. In cæteris vero, quorum exsecutio poterat schismatis malum augere, substitit; tum quia necessarium fuit, tum quia ad exsequendum se teneri non credidit; et, licet si ex abundantia, tamen ut unidine plenus muniretur, semper ante mandatorum susceptionem, contra cuncta Ecclesiæ regnique ac sui gravamina dominum papam appellavit, ejus audentiam eligens. Cumque trans mare postea coram legatis apostolicæ sedis appellationem prosequi præsto esset, sed non esset qui vel contradiceret vel judicare vellet, incontinenti denuo cum præsentibus coepiscopis appellationem innovavit. Quam dominus papa, per litteras ipsorum et legatorum sibi nuntiatam postmodum ipsis reinisit; et eos ab ejus persecuzione prorsus absolvit; pacemque ac inducias contra archiepiscopum, quousque in gratiam regis redire, per litteras suas indulxit. Cum autem interim rumor insonuisset de novis quibusdam minis et mortificationibus archiepiscopi, ne posset episcopus, sicut ante, aliquo modo quasi præventus innodari, mox iterum publice provocavit, et omnino recusans ac declinans archiepiscopum, tanquam ex manifestis causis jure sibi suspectum, audentiam domini papæ prælegit. Sic igitur, ut insit, etsi tenetur ei obediare, non tamen aliquatenus inobediens potest deprehendi; præsertim cum non frustratorie, sed juxta necessitatem semper præveniens appellatio, sibi contra crimen inobedientiæ remedium foret et excusatio: præsertim etiam cum eamdem appellationem prosequi nunquam subtersugerit, nec adhuc subtersgere velit.

C Sed nec etiam obediare quidquam omnino se debere sentit et asserit. Siquidem ex professione quam Theobaldo, bonæ memorie archiepiscopo, fecit in Herefordensi civitate, se tentum non esse dicit, nisi dum Herefordensis episcopus existiterit; quod cum esse desiit, omnino per dominum papam liber et absolutus desit, et ex ea professione teneri, tanquam tacite, licet non expressim, ad tempus facta, scilicet dum inde maneret episcopus. Cujus rei fortissimum argumentum esse, quod utique non teneretur, si alterius provinciæ fueret episcopus. Sæpius præmissionibus conditions quedam inesse tacite intelliguntur, quamvis non exprimantur, veluti cum dos alicui, propter certam matrimonii spem, absolute promittitur. Non minus enim subest tacita conditio, scilicet ut ita demum præmissio teneat, si nuptiæ sequantur. Item, ut in Digesto est, cum inter locatorem et conductorem convenit, ne conductor inter tempora locationis de fundo expellatur; quamvis nihil exprimatur de solutione pensionis, tamen verisimile est ita convenisse de non expellendo conductore, si pensionibus pareat et, ut oportet, colat. Cum autem, ut adjungit episcopus, ad Londonensem sedem translatus professionem archiepiscopo minime fecerit, nihil equidem ei debero dicit, scilicet nec suo, etiam Londoniensis Ecclesiæ nomine. Semel enim liberatus, nec per eam in po-

testatem recedit, sicut nec de jure fori filius familiæ, cum extraneæ personæ filius adoptivus sit, secum tamen patrem adoptivum in potestatem trahit. Magis autem per eam ipsam liberatam dici convenit: præsertim cum de jure non filia, sed mater Cantuariensis Ecclesiæ sit; sicut et a prima constitutione Ecclesiæ in Anglia, diebus quinquaginta duorum apostolicorum suisse perhibetur, et in scriptis authenticis legitur: sicut etiam beatus Gregorius, in ea Christianitatem renovans, censuit et ordinavit ut deinceps esset prout ejusdem scripta testantur; quamvis secus obtinuerit, occasione paganitatis quoꝝ mox Londoniæ nequivit extirpari. Propterea sedes archiepiscopalis præter ordinem esse coepit, et hactenus manet, Cantuaria: ubi primo renovata est, et inde paulatim per Angliam propagata, reclamantibus tamen assidue Londoniensibus episcopis. Sic igitur bona fide, justisque rationibus se liberum proclamans episcopus, velut semel per auctoritatem apostolicam manumissus et exemptus, nec unquam deinceps novæ subjectionis servituti suppositus, et inobedientiæ se reum in nullo probat, tanquam nec obedientiæ debitorem.

Si replicat archiepiscopus quod saltem tanquam apostolicæ sedis legato sibi tenebatur obediens, contra id episcopus oppositæ appellationis et recusationis obstaculum objicit: qui se solum domino papæ deinceps subjectum suisse manifeste convincit. Addit etiam quod jure legationis nondum habet archiepiscopus jurisdictionem in Anglia. Siquidem Ronanæ sedis legatus ut legatus Cæsaris est, scilicet præses vel corrector provinciæ vel proconsul. Sic autem in Digesto est: « Proconsuli jurisdictione, scilicet contentiosa, prius non competit quam in provinciam venerit. » Item: « Præses in provincia bonimes tardum imperium habet, et hoc, dum in provincia est. » Nec agitur, ut infert episcopus, potest aliquatenus archiepiscopus ut legatus in Angliam advertere, cum nec in ea sit, nec in eam post tempus legationis venerit.

Sic itaque concludit episcopus sententiam excommunicationis in se latam nullatenus tenere: tum quia prius præter ordinem lata est, cum in se nihil notoriū criminis sit, tum quia prius appellavit, tum quia de archiepiscopi jurisdictione non sit.

Archiepiscopus ad hæc: Quamvis, inquit, prædicta in episcopo notoria non sint, quia tamen publice de eo dicuntur et creduntur, ob ea juste damnatus est; et præter observationem ordinis judicarii: maxime quia in multis libertas et dignitas Ecclesiæ, per ejus, sicut ipsem loquitur, dissimulationem et patientiam pericitata sit. Quem ob hoc etiam extra ordinem puniri justum et utile fuit, ut alii rebelles et turbatores Ecclesiæ magis terreantur, et resipiscant, cum sibi dubitare non debeant inferendum quod tanti nominis et potestatis viro jam viderint illatum. Sæpius enim contra strictum rationis tenorem, et institutionis solitum ordinem, necessitatum varietas multa fieri suadet et urget. Quia, sicut ait papa Innocentius: « Aliud est ordo

A legitimus, aliud usuratio quod fieri tempus impellit. » Sed Silvester papa similiter in quosdam adversarios suos animadvertisse legitur, sicut ipsem scribit. Ait enim: « Usiliarius Patricius mandavit me ad se pacifice venire, et pro quibusdam ecclesiasticis dissertationibus in palatium principis, ad primum et secundum velum retinuit omnem clerum et populum, qui mecum veniebat, nisi me solum et Vigilium diaconum meum—me vero vi retentum miserunt in exsilium, in quo sustentor pane tribulationis et aqua angustiæ. Ego tamen non dimisi, nec dimitto propterea officium; sed cum episcopis, quos congregare potui, eos qui talia erga me egerrunt anathematizavi. » Idem Vigilio: « Habeto cum his, qui tibi consentiunt, plenæ damnationis sententiam; sublatumque tibi nomen ministerii sacerdotalis agnosce, sancti Spiritus judicio, et apostolica a nobis auctoritate, damnatus. » Ad hujus igitur exemplum, quod de criminе, quamvis non notorio, tamen sibi manifesto et indubitate, reclassime, quamvis extra ordinem, damnaverit episcopum, congrue sibi videtur archiepiscopus allegare; quasi de jure facere potuerit et fecerit, præsertim cum et domini papæ vice fungatur, cujus etiam legatus est.

Episcopus contra: Non exemplis, inquit, sed legibus Judicandum est; nec quid factum sit Romæ, sed quid fieri debuit, attendendum est. Licuit quidem semper et licet domino papæ contra jus strictum sæpius agere, maxime cum necessitas posulet. Quamvis enim legibus vivat, legibus tamen solutus est. Et sicut Christus in se sacramenta nostra complevit, non aliqua sui necessitate, sed nos ad imitandum provocandi voluntate: sic etiam dominus papa sæpe canonibus obtemperat, non quod necesse habeat, sed ut ejus auctoritas et exemplum alios ad obtemperandum urgeat. Sæpius etiam eis non stat. In ejus siquidem potestate est sicut novos condere, sic et veteres moderari, vel temperando vel aggravando, nonnunquam etiam eorum censuram penitus omittendo, vel contra faciendo. Quam utique potestatem solus accepit, et sibi soli continue retinet, et, cum vices suas sæpius aliis credit, in partem quidem vocat sollicitudinis, non in plenitudinem potestatis. Quibus etiam si quandoque laxius indulget, non tamen eatenus ut licet eis aliquid vel extra metas antiquitatis, præsertim quas auctoritate Veteris et Novi Testamenti tenentur observare. Nam nec etiam domino papæ licet has transgredi, sicut est testis Zosimus papa: « Contra Patrum, » inquit, « statuta aliquid concedere vel mutare nec hujus sedis potest auctoritas. » Apud nos inconvulsis radicibus vivit antiquitas, cui dicta Patrum sanxere reverentiam. Et servata quidem semper, etiam a primo hominis peccato, semper antiquitas est, ut criminis reus damnetur, sed deinde, qui confessus, vel convictus, vel citatus fuerit. Nam et Adam est non prius damnatus, quam citatus et commonitus, cum dictum est ei: « Adam,

ubi es? » nec prius quam confessus, cum ait: « Mulier dedit mihi et comedi. » Mala quoque Sodome sicut scribit Evaristus papa: « Noluit Dominus audita prius judicare, quam manifeste cognoscet: cum tamen omnia nuda et aperta sunt oculis ejus. Unde ait: *Descendam et video utrum clamorem opere compleverint.* Cujus exemplo moneretur ne ad proferendam sententiam unquam præcipites simus, aut temere indiligereturque discussa quoquo modo judicemus, dicente veritatis voce: *Nolite judicare, et non judicabimini.* Sed nec aperte traditur, quod adversus hæc aliquid egerit papa Silvester in Usiliarium et Vigilium.

Contra ordinem igitur quem etiam tam diligenter Deus ipse servavit, et ex se servandum docuit, quem etiam tam immobiliter servandum auctoritas sanctorum tradit, nunquid quod archiepiscopus egit etiam legatus obtinere debet? et non magis irriatum esse? præsertim cum et simul accusator et judex non potuerit. De suspecto siquidem ait Nicolaus papa: « Quia suspecti et inimici judices esse non debeant, et ipsa ratio dictat, et multis probatur exemplis. Quoniam quid gratius dare quis inimico potest, quam si ei ad imputendum, quem laedere forte voluerit. » Et infra: « Hinc Justinianus imperator pius legibus suis prouulgasse d'gnoscitur dicens: Liceat ei, qui suspectum judicem putat, antequam lis inchoetur, eum recusare, ut ad alium recurratur. Ita quodam modo naturale est suspicitorum judicium insidias declinare, et inimicorum judicium velle refugere. » Idem: « Anastasius etiam Pirenorum episcopus tertio vocatus, quia non occurrit, a patriarcha suo condemnatus exstiterat. Sed solum quia, cum vocaretur ad synodum, quod inimicus esset ipse qui judicabat, clamat, a sancta Chalcedonensi synodo ad sententias illatas examinandus reservatur, sed quasi pro nibilo habita condemnatione priori. » Quod item non debeat idem accusator esse, simul et judex, testis est Augustinus dicens: « Quis sibi utrumque audet assumere, ut cujasquam ipse sit accusator et judex? » Item Fabianus papa: « Nullus unquam præsumat accusator simul esse, et judex, vel testis; quoniam in omni judicio quatuor personas semper necessare est esse: scilicet judices non idein sint, sed per se accusatores, per se judices, per se accusati: » Sicut igitur insert episcopus, ejus qui contra præcedentia omnia, tam manifeste, tam indiscrete, tam præcipitanter egit, quid nisi verborum inanis prolatio et in ventum jactatio putanda est, ut nec nomen sententiae mercatur?

Archiepiscopus addit etiam item quod cum intra diuinam expectationem, multis ære supplicationibus, comminationibus, dominum regem flectere studuisse, nec prævaleret, et demum in hoc esset ut securim poneret ad radicem, cum ulterius parcere nec posset nec deberet, episcopus in regis causa tam indubitanter et notorie injusta se primum adversarium, et eatenus vehementem defensorem

A opposuit, ut ipse etiam contra justitiae prosecutio nem appellaverit. Sic consensum notorium in criminis notorio palam et inexcusabiliter ostendens: et ex hoc, quin excommunicatione, quamvis præter ordinem facta, juste firmiterque teneatur, negare nullatenus valens.

Episcopus econtra: Non solum se, sed Ecclesiam Anglie totam, illius appellationis interpositionem consuluisse, secumque fecisse, respondit; non malis consentiendo, non mala defendendi proposito, sed ob Ecclesiæ Romanæ fidelitatem, suique pacem: scilicet præpediendo nimiam nimisque periculosam archiepiscopi severitatem, ne schismatis augeretur discrimen, quod etiam cum enormi Ecclesiæ damno secuturum fuisse dubitari non poterat, si conatus archiepiscopi processissent: quando etiam constat humilitate patientia melius vicisse potuisse, et jam acerbitate multiplicatione satis periculosius regem exacerbasse. Si replicat archiepiscopus quod non eo minus, sed etiam magis notorius est mali consensus, quod in socia deprehenditur multitudine: contra episcopum magis præpeditionem schismatis probabiliter constitetur; et mali consensum prorsus diffitetur. Sed et id post secundam et etiam tertiam demum correptionem fieri debet, sicut et Dominus in Evangelio præcepit dicens: « Si peccaveritis fratres vros, corripe eum inter te et ipsum; si non audierit te, adhibe tecum unum aut duos; si eos non audierit, dic Ecclesiæ: quod si nec Ecclesiam audierit, sit tibi velut ethnicus et publicanus. » Nihil igitur, sicut concludit episcopus, virium habere sententia non indigne censetur, quæ nihil etiam ordinis prorsus observare reperitur.

C Archiepiscopus ad hæc determinat: Tunc quidem ordinem omittendum non esse, cum servari potest; cum autem non potest servari, pro servato tamen per interpretationem habendus est. Nam et alias etiam apud Deum factum est, quia fieri non potuit, pro facto tamen nihilominus accipitur; ut in eo qui baptismi seu pœnitentiæ sacramentum desiderat, nec implere potest.

D « Huic enim, » sicut ait Cassiodorus, « Votum pro opere reputatur, scilicet propter impossibilitatem. Sed et apud homines regula juris est, in omnibus causis id pro facto accipi, in quo quis alium perhorrescit quo minus fiat; ut in codice dicitur de eo qui propter vim vel metum non appellat: nihilominus enim res jure appellationis agitabitur. Similiter itaque, sicut insert archiepiscopus, jure processisse dicit, in causa contra episcopum, quamvis non in synodo sua, quamvis sine commonitione vel citatione præmissa. Synodus etenim alienam habuit qui suam habere non potuit. Sed et pro citato et præmonito probat habendum, qui se magis etiam obtulisse debuit, ut cuius fama plurimum laborabat; quem etiam multis ex causis satagere vel commonere nequivit: primo quidem, quia magnum chaos terrarum inter se et ipsum sit; deinde, quia jamdudum apud exteris gentes peregrinus et exsul, eorumque eleemosynis

sustentatus, neminem ad faciendas citationes vel commonitiones officialem habere possit, nisi forte qui se gratis et pro Deo tanum obtulerit; tertio, quia, cum aliqui quandoque missi per regis ministros capti, verberati, male tractati, incarceratedi, periculoque membrorum aut mortis subditi sunt; caeteri, justo metu præpediti, legationem tam formidabilem subire deinceps ausi non sunt. Sic igitur, ut concludit, legaliter et canonice tanquam contra citatum et præmonitum episcopum, sententia processit, et firmiter obtinet.

Episcopus econtra: Non semper quod fieri debet pro facto habendum, respondit; cum fieri propter vim vel metum non potest. Namque et alias, ut in Digestis scribitur, in jure proditum est, deprehensione fieri manifestum furem. Cæterum, si cum tibi sursum facerem, abscondisti te ne te occidam, etiam si vidisti furtum fieri, attamen non est manifestum. Cum etiam, propter metum, testamentum non facis, item non contestaris, rem non evincis, reum non accusas; non tamen vel testamentum factum, vel lis contestata, vel res evicta, vel quis accusatus. Habet etiam similibus multis similiter. Denique quod dicitur propter metum aut vim omissum pro facto accipi, non de his accipitur quæ lex fieri jubet, sed ne his quæ ad remedium indulget; ut sunt appellations, prescriptionum interpretationes; nam hæc, si propter vim vel metum omittuntur, pro factis tamen accipiuntur. maxime si quis eas facere non ausum publice protestetur. Præterea quidem archiepiscopus ordinem etiam commonitionum et citationum observasse potuit, hinc plane convincitur, quia multo fortius excommunicationis faciendæ præparatoria præmissæ timere non debuit, quia jam factæ denuntiationis, passim et publice per Angliam post mittere non dubitavit, scilicet litteras suas de evanidis excommunicatis per nuntios suos ardenter præsentans, in episcoporum synodis, in publicis ecclesiistarum conventibus, in procerum etiam concessibus. Cum itaque, sicut episcopus insert, ordo nullatenus vel servatus vel pro servato sit, patet quod excommunicationis facta præter ordinem, excommunicationis nomine digna non sit.

Archiepiscopus instat et aliter adhuc. Contra crimen, inquit, notorium appellari non potest. Nam in codice est: « Eis qui aperte manifesteque convicti sint, appellations beneficium denegatur. » Item: « Observandum est ne quis eorum qui manifestam violentiam commiserint, audiatur appellans. » Item in Digestis: « Constitutiones quæ de recipiendis appellations loquuntur, locum non habent in eorum personis, quos damnari publice interest. » At, ut assumit quin in rege contra Deum et ejus Ecclesiam periculosissima sit et manifesta transgressio, manifesta etiam circa sui et suorum spoliationem innocentiumque proscriptionem violentia, nec ipse diffiteri potest; quæ certe palam operum evidencia testatur, super quibus etiam tam consona totius mundi detestatione convincitur. Unde, sicut insert, tan-

A quam aperte manifesteque convictus, nec in eis appellans audiri debet, maxime cum ipsum ob ea puniri publice iintersit, ut et ipse resipiscere compulsa salvetur, et Ecclesiæ status reformatur. Itaque, sicut addit, in ejus causa prorsus excluditur appellatio, si nec episcopus nec aliquis pro eo vel appellare potest, vel appellans audiri debet; præsertim cum in Digestis est: « Non liceat in aliena causa cuiquam appellare. » — « Nisi forte, » sicut ibidem excipitur, « quibus mandatum est, vel negotium alienum gerunt; quod mox reus ratum habeat. » At, ut assunt, hic nec mandari nec ratum haberi potest: quod nec fieri debet. Solent item, sicut et indignum est, audiiri appellantes quorum interest: « Sed hos, » sicut et ibide est, « verum est propriam causam defendere. Propriam autem causam eam esse palam est, cuius emolumenntum vel daninum ad aliquem suo nomine pertinet, ut cum procurator victo venditore, vel e converso; vel creditor, victo debitore, vel e converso. Causa vero regis, ut assumit, nec episcopi nec alterius quidquam interesse facit, ut intercessionem interponant; imo potius patrocinium ad corrigendum communiter Ecclesia tota fidelium adhibere debet. Quia publice interest potius tantum malum coerceri, quam, vel sub alicujus necessitatibus palliatione, soveri. Non itaque, sicut concludit, in tam detestandi negotii parte aliquem, vel ab ipso rege, vel ab episcopo, vel ab alio quovis appellatio fieri potest vel facta recipi debet.

Episcopus econtra respondit, et regem et se, vel quemvis, nomine regis justè provocare potuisse: maxime quia dominus rex nunquam se justitiae subtraxerit, imo semper obtulerit; sed et instanter et satis anxe postulare non deserit sibi judices contra archiepiscopum delegari; coram quibus etiam prius satisfacere pollicebatur, dummodo securus es- set, sibi postmodum satisfactum iri: cum inter hæc, contra leges et canones, archiepiscopus in eum et accusator et judex esse niteretur, contra tam manifestum gravamen, et rex et ejus nomine quivis justissime potuit appellare. Præterea licet etiam rex appellare pro se deditigaretur, non eo minus tamen id alii fuerat indulgendum, sicut et indulgetur in causa damnandorum. Nam ut in Digestis est: « Non tantum ei qui ad supplicium ducitur provocare permittitur, verum alii quoque nomine ejus; non tantum si ille mandaverit, verum quisquis alius provocare voluerit. » Nec distinguitur utrum necessarius sit necne; creat enim humanitatis ratio omnem provocantem audiri debere: ergo, etsi ipse acquiescat sententia; nec queritur cuius iintersit. Quid ergo si restat, qui damnatus est, perire festinans? adhuc putem differendum supplicium? Si hoc itaque, sicut argumentatur episcopus, admittitur in causa periculi corporis contra pœnam temporalem: quanto fortius admittit debet, ubi pericitatur etiam ad mortem æternam animæ, scilicet in anathematis causa. Quanto siquidem corpore dignior est anima, tanto potentius ei

subveniri debet. Item quod episcopus et alii congrue provocare potuerint et juste provocaverint, hinc, ut idem ait, palam est; quia sui plurimum, immo totius Ecclesiae, simul interfuit, scilicet ne schisma dilataretur, quin etiam contra gravamina propriae cause justae provocaverit ipse, non potest, inquit, negari.

Archiepiscopus addit et item, sibi legationem esse concessam, et animadversionis in rebelles et turbatores Ecclesiae potestatem indultam, remoto appellationis obstaculo, propter ea nec appellationem sequentem, vel praecedentem impedisse jam factam anathematis ultiōnem, vel eam ullatenus infirmare.

A Episcopus contra: Quamvis, inquit, sine provocacionis obstaculo, non tamen contra leges et canones ipsi mandata est executio. Nam, quamvis etiam liberam et generalem jurisdictionem ex mandato suscepit; non tamen ex hoc consuetum et legitimū jurisdictionis ordinem transgrediendi facultatem habuit: sicut argumento est illud in codice. « Siquando talis concessio imperialis processerit, per quam libera testamenti factio concedatur, nihil aliud videri principem concedere, nisi ut habeat legitimam et consuetam testamenti factiōnem: neque enim credendum est Romanum principem, qui jura tuerit, hujusmodi verbo totam observationem restitutorum multis vigiliis excogitatam atque inventam velle subverti. » Similiter itaque, sicut insert episcopus, quamvis dominus papa legationem etiam generalem et liberam archiepiscopū dederit, si forte dedit; non tamen contra legitimū et consuetum juris ordinem ei facere quidquam permisit. Qui si contra fecit, sicut utique fecisse supra probatum est, tamen etiam ipso jure cassum et irritum non eo minus est, quia legatus est, vel quia provocatio prohibita est. Item et, sicut addit episcopus, quamvis contra animadversionem archiepiscopi per dominum papam prohibita sit appellatio; non eo minus tamen sibi provocare licitum fuit. Nam et alias, ut in Digestis est: « Cum a principe appellandi nec facultas, nec fas sit, interdum et ipsius sententiam suspendit appellatio. Cum enim præses provinciae deportandi quem in insulam, vel decurionem puniendi jus non habeat; debet tamen eum adnotare scilicet bonis ejus descriptis, quem deportandum vel puniendum putat: sic deinceps principi scribere, missa plena opinione scilicet quare deportandum vel puniendum sentiat; ut ita princeps estimet an sequenda sit ejus sententia, deindeque in insulam deportando, vel decurioni, poenam assignet. » Potuerunt itaque, sicut ibidem dicitur, appellare, non solum quando præses principi scribit, sed etiam quando princeps de insula, seu de pena rescribit. Quid enim si præses mendacis apud principem oneraverit eum, quem deportandum vel puniendum laborat. Recite itaque dicitur humanitate suggestente ut, et hoc, et illo tempore, non frustra provocent, quia non adversus principem, sed adversus judicis caritatem, provocant. Quorum etiam status inter-

B esse jubetur, provocatione interposita. Ergo, etsi abstinere ab ordine decurio jussus sit, scilicet per principem et provocaverit, poterit interim participare; cum sit hoc constitutum, et sit juris, ne quid pendente appellatione innovetur. Itaque, sicut insert episcopus, sicut a principe non sit appellandum, nonne similiter et episcopo, quem archiepiscopus per se punire de canonum censura prohibetur, liceret deberet, etiam si dominus papa eum ad archiepiscopi suggestionem degradasset, appellatione tamen obviare, statumque sibi integrum retinere? Multo fortius igitur, etsi non dominus papa, sed per dominum papam archiepiscopus in ipsum, etiam sublatō provocacionis obstaculo, similiter advertisset, sequens tamen idem appellationis remedium ipsi subveniret; quanto magis et præveniens, ne quid fieri posset, impediret. Et hoc igitur in excommunicationis etiam sententia non minus obtinere debere concludit episcopus, non solum si generaliter in quos animadvertisendi, sed etiam si specialiter excommunicandi se potestas archiepiscopo, non obstante appellatione, concessa fuerit. Item, ut addit, quamvis appellatio, velut inhibita, sententiam infirmare non posset, infirmat tamen eam præmissa toties contra archiepiscopum tanquam domini papæ postulata cognitio. Nam et utrumque decernit Sextus papa: « Dum, » inquit, « episcopi Romanam Ecclesiam appellaverint, aut ab ea se audiri poposcerint, nullus eos interim excommunicare præsumat. Quod si aliter a quoquam fuerit præsumptum, nil erit, sed viribus carebit. » Juxta quod, etiam Anastasii Pirenorum episcopi depositionem non tenuisse supra memoratum est.

C Archiepiscopus post hæc ad specialia quædam transit. Dicit enim se dudum corripuisse episcopum, quod filios sacerdotum contra canones ad sacros ordines promoverit; et inter cæteros unum ad sacerdotii gradum, in ecclesia quadam in qua ipsum patri successisse cognovit: quod incontinentiam etiam clericorum in episcopatu suo, non solum non correxerit, sed etiam pretii interventu sustinuerit. Et ob hoc se mox etiam mandatum subdedisse commemorat, nisi de tantis excessibus judicio coepiscoporum satisfaceret. Quod cum, inquit, facere neglexerit, jure in eum tanquam in præmonitum et aperte contumacem anathematis ultiō facta est, nec appellationis occasione, rata non esse debet. Nam, ut dictum est: « Per contumaciam condemnatus, si appellat, non auditur. »

D Episcopus econtra, se de contumacia nititur excusare, quia nec, ut archiepiscopo, tanquam non subjectus, nec ut legato, tanquam suspecto et recusato, tenetur obedire; sed soli domino papæ: maxime postquam ad eum appellaverit, et ipsius audiencem elegerit. Contumaces autem, ut in Digestis est, non judicantur, nisi qui obedire deberent et non obsequuntur, id est qui ad jurisdictionem ejus, cui negant obsequi, pertinent.

Sed et plane negat episcopus clericorum inconti-

hunciam muneris interventu permisisse, vel eorum correctionem neglexisse. Quin imo, sicut notum esse respondit, saepius omnes communiter in synodis, et seorsum in capitulis diligenter commonuit: omnibus etiam, ut decuit, saepius publice communatus est, et nonnullos demum digne corripuit, et emendavit. Si vero prorsus vitium existirpatum non est, ait non imputandum sibi, sed magis delinquentium multitudini, vixque, vel nunquam, abolenda consuetudini. Quod enim a multis peccatur, multum est praserit id malum, cui tam invincibiliter ex prima damnatione peccati subjaceat genus humatum. Quod item reprehenditur filios sacerdotum ordinasse, nec hoc usque quidem constetur concessum. Omnes quidem administrare nequaquam ignorabat prohibitum esse, sed nec omnes poterat rejicere; propterea quod decuit et potuit fecit. Scilicet archidiaconos suos, quibus plenior est notitia clericorum, et quorum officii est eos praesentare, diligenter adjuravit, et eis districte praecipit, ne quem contra canonum censuram admitterent, vel presentarent. Si quid igitur contra minus canonice fieri contingit, in archidiaconos, inquit, magis redundare convenit. De filio quoque sacerdotis quem in ecclesia reperit a praedecessore suo prius institutum, et diaconum ordinatum, posteaque per se cuidam archiepiscopi clero ad annum canonem gravem satis, de ecclesia solvendum, ex transactione quadam dicit obligatum, et quia de residuo secum capellani sustentare non poterat; ipsum quidem se promovisse fatetur in presbyterum: praesertim quia non alias eum indignum, sed boni testimonii satis agnoscit. Si minus itaque vel in hoc vel in alio diligens fuit, etiamsi archiepiscopo tenebatur obedire, non tamen contumax et ejus mandati contemptor, ut ait, convincitur, quod judicio coepiscoporum, prout mandavit non satisfecit; quod nec illud subterfugit, nec coram illis, sine accusatore praesente, quem diffitetur excessum corrigerem cogebatur. Si quid vero deliquerit, dominini papa censuram in nullo refugit: quod, sicut auctor est canonum, ita et ultius est transgressionis eorum.

Archiepiscopus demum ait: Quod etiam sententia, quamvis non legitima vel illicita, tamen liget, teste Parisensi concilio in quo legitur sic: « De illa excommunicatione lex Justiniani imperatoris, quam probat et servat, decrevit ut nemo presbyter excommunicet aliquem, antequam causa probetur, propter quam canones hoc fieri jubent. Si quis autem adversus eam aliquem excommunicaverit, ille quidem, qui excommunicatus est, majoris auctoritate sacerdotis, ad gratiam sanctae communionis redeat. Is autem, qui non legitime excommunicaverit, in tantum abstineat a sancta communione tempus, quantum majori sacerdoti visum fuerit. » Eni, inquit, excommunicatione quamvis illicita, vel non legitima, tamen tenet; adeo quidem ut per majorem sacerdotem ad communionem redire, id est absolviri, debeat, qui sic excommunicatus fuerit. Et hoc igit-

A tur etiam in episcopo tenendum consequenter concludit. Item, ut addit: Si prius non tenet sententia, jani tenet cum contemnetur. Nam, ut ait Gregorius: « Sententia pastoris, sive justa, sive injusta sit, timenda est vel tenenda, ne hic qui subest, et injuste forsitan ligatur ipsam suæ obligationis sententiam ex alia culpa mereatur. Is igitur, qui sub manu pastoris sui judicatur, timeat reprehendere, ne, etsi injuste ligatus est, ex ipsa tumida reprehensionis superbia, culpa quæ non erat, fiat. Si igitur, saltem ex sequenti scilicet contemptus culpa, vere ligatum probat episcopum; eatenus etiam, ut quamvis injusta sit sententia, tamen omnimodo vitandus sit. Sicut est in concilio Sardicensi in quo legitur sic: « Si episcopus forte iracundus, quod non esse debet, cito et aspere commovetur adversus presbyterum sive diaconum, et eum de Ecclesia exterminare voluerit; providendum est ne innocens damnetur, aut perdat communionem. Et idcirco habet potestatem, is, qui abjectus est, ut episcopos finitos interpellet, et causa ejus audiatur et diligenter tractetur. Ille vero episcopus, qui juste vel injuste eum abjecit, patienter accipiat ut negotium discutatur, et vel probetur ejus sententia pluribus, vel emendetur. Tamen, priusquam omnia diligenter et fideliter examinentur, eum, qui sicut communione privatus, ante cognitionem, nullus debet presumere ut communioni societ. Qui etiam, si communicare presumperit, et officium suum agere, gravius ex decreto puniendus arguitur. Nam in concilio Antiochense est: « Si quis episcopus damnatus a synodo, vel si presbyter aut diaconus a suo episcopo, et ausi fuerint aliquid de ministerio sacro contingere, nullo modo liceat eis nec in alia synodo spem restitutio-nis, aut locum satisfactionis habere. » Item in concilio Martini papæ: « Si quis episcopus in concilio excommunicatus fuerit, sive presbyter aut diaconus ab episcopo suo, et post excommunicatio-nem presumperit sive episcopus ille sive presbyter aut diaconus facere oblationem, vel matutinum vel vespertinum sacrificium in officio suo agere, sicut prius; non liceat ei, nec in alio concilio spem reconciliationis habere, nec ultra reconciliari. » Item in concilio Africano: « Placuit universo concilio ut, qui excommunicatus fuerit, pro suo neglectu, sive episcopus sive quilibet clericus, et tempore suæ excommunicationis, ante audientiam communicare presumperit, ipse in se damnationis judicetur protulisse sententiam. Ex his igitur omnibus, sicut concludit archiepiscopus, non solum vere excommunicatus convincitur episcopus, sed etiam contemptu suo prorsus deponendus.

Episcopus econtra: Sententiam illicitam vel non legitimam dici determinat iustam, scilicet ex causa, ut cum subest culpa propter quam infertur, vel ex animo, vel cum minore culpa quam deceat forte, per iracundiam vel ignorantiam infertur, juxta illud Agathensis concilii: « Episcopi, si, sacerdotali moderatione postposita, innocentibus aut minimis cau-

sis culpabiles excommunicare præsumperint, a vicinis episcopis commoneantur. » Tales etenim, ut episcopus prosequitur, sententiæ cum ordinatim dantur, nec per appellationem impediuntur, quamvis injustæ sint, tamen utique ligant, scilicet apud Ecclesiam, quamvis non semper apud Deum. Nam et e converso sæpius tenent apud Deum, cum tamen non fiunt apud Ecclesiam. Ut enim ait Origenes : « Exit a civitate, a fide, a charitate; per haec exit de castris ecclesiæ, etiam si voce episcopi non abjiciatur. Si aliquis econtra non recto judicio foras mittitur, sed si non egit, si non meretur, nihil laeditur. Interdum enim qui foras mittitur intus est, et qui foras est intus retineri videtur. » Timendum tamen et tenendum vel iniustam sententiam, secundum Gregorium, fatetur episcop. s, nec contumendam, ne forte, si contemnatur, ex ipsa, sicut addit Gregorius, tunc superbia reprehensionis, culpa quæ non erat flat; scilicet ut leinceps etiam

A apud Deum ex contemptu teneatur, qui prius apud Ecclesiam de pastoris tantum judicio tenebatur. Hoc igitur est, sicut distinguit episcopus, ubi sententia, sicut de facto, sic de jure quidem aliqua est, licet injusta. Ubi vero, quamvis de facto, nulla tamen de jure, velut quæ datur contra juris ordinem contra appellationem, contra rationem subditam, ibi quidem vere etiam injusta, sicut recte sentit episcopus, vel est, vel dici potest; nec etiam, si non servatur, vel ex contemptu convalescit. Quia quæ ab initio non valent sententiæ tractu temporis convalescere non possunt. Ideinque qui contra eam communicaverit, vel non minus officium suum fecerit, prorsus in nullo reus est, nec poenis præmissorum canonum ullatenus subjacet. Sic igitur integrum sibi statum jure defendit, nec excommunicatum, nec absolvendum se vere probat episcopus, imo nec prorsus ex aliquo vel prius, vel post facto, reum.

II.

CAPITULA CONCILII ALEXANDRI TERTII HABITI TURONIS.

CAP. I. Quoniam enormis quædam consuetudo in quibusdam locis contra sanctorum Patrum constitutiones invaluit, ut sub anno pretio sacerdotes ad ecclesiæ regimèn statuantur, ne id fiat, modis omnibus prohibemus. Quia dum sacerdotium sub hujusmodi mercede venale disponitur, ad æternæ retributionis præmium consideratio non habetur.

CAP. II. Non satis viriliter avaritia in populo arguitur, si ab his qui in clero constituti sunt, et præcipue qui contempto sæculo religiosorum nomen profitentur, et regulam modis omnibus non cavelur. Pro libemus igitur, ne ab his, qui ad religionem transire voluerunt, aliqua pecunia requiratur: neve pri oratus aut capellaniæ quælibet monachorum aut clericorum annua distractione vendantur, neque ab eo, cui regimen ipsarum committitur, pro illarum commissione ullum pretium exigatur. Hoc autem simoniacum esse sanctorum Patrum auctoritas manifeste declarat. Unde quisquis hoc de cætero præsumperit, tam qui dederit, tam qui accepit, partem secum simoniæ non dubitet habiturum. Pro sepultura quoque chrismatis et olei perceptione nulla cuiquam pretii exactio intercedat: neque sub obtenu alicujus consuetudinis reatum suum aliquis tueatur, quia, diuturnitas temporis non minuit peccata sed auget.

CAP. III. Quia in quibusdam episcopatibus decani quidem vel archipresbyteri ad agendas vices episcoporum seu archidiaconorum et terminandas causas ecclesiasticas sub anno pretio statuantur, quod ad sacerdotii gravamen et subversionem judiciorum non est dubium redundare, id ulterius fieri districtus prohibemus: quod qui fecerit, removeatur a

Domino. Episcopus quoque cum hoc in sua diœcesi sustinuerit, et ecclesiastica judicia sua patitur dissimulatione subverti, canonica distictione plectatur.

CAP. IV. Non magnopere antiqui hostis invidia infirma membra Ecclesiæ præcipitare laborat, sed manum mittit ad desiderabilia ejus et electos quosque nititur supplantare, dicente Scriptura: « Es de ejus electis. » Multorum siquidem casum operari se putat, ubi pretiosius aliquod membrum sua calliditate detractum. Inde nimurum est quod se in angelum lucis more solito transfigurans, sub obtenu languentium fratrum consulendi corporibus et ecclesiastica negotia fidelius pertractandi regulares quosdam ad legendas leges et confectiones physicas ponderandas de claustris suis educit. Unde ne sub occasione scientiæ spirituales viri mundanis rerum actionibus involvantur, et in interioribus ex eo ipso deficiant, ex quo se aliis putant in exterioribus prævidere, de præsentis assensu concilii statutimus, ut nullus omnino post votum religionis, post factam in aliquo religioso professionem, ad physicas legesve mundanas legendas permittatur exire. Si vero exierit, et ad claustrum suum infra duorum mensium spatium non redierit, sicut excommunicatus ab omnibus eviletur, et in nulla causa si patrocinium præstare tentaverit, audiatur. Reversus autem, in choro, capitulo, mensa et cæteris, ultimus fratrum semper existat, et nisi ex misericordia forte apostolicæ sedis, totius spem promotionis amittat.

CAP. V. Quamvis grave nimis et divini dignum animadversione judicij habeatur quod laici quædam quod sacerdotum est, in ecclesiasticis rebus usur-

pant, majorem tamen incutit formidinem ac dolorem, quod somitem sui erroris in ipso Deo dicuntur aliquoties invenire, dum quidam fratrum et coepiscoporum nostrorum aliorumque praelatorum ecclesiae decimas eis et ecclesiarum dispositionem indulgent, et in devia mortis compellunt, qui praedicationes ipsorum ad vitæ viam fuerant revocandi. De quibus dicit Dominus per prophetam: « Peccata populi mei comedunt, et ad iniuriam provocant animas eorum. » Unde statuimus, ut quisquis alicui laico in sæculo remanenti ecclesiam decimam concesserit, a statu suo, tanquam arbor quæ inutiliter terram occupat, succidatur, et donec emendet suæ ruinæ jaceat dolore prostratus.

CAP. VI. Majoribus ecclesiae beneficiis in sua integritate manentibus indecorum nimis esse videtur, ut minores clericorum præbendæ recipient sectio nem. Idecirco ut, sicut in magnis ita in minimis quoque membris suis firmam habeat Ecclesia unitatem, divisiones præbendarum aut dignitatum permutations fieri prohibemus.

CAP. VII. Plures clericorum et quod merentes dicimus eorum quoque qui præsens æcum professe vociis et habitu reliquerunt, dum communes usuras quasi manifestius damnatas exhorrent, com modata pecunia indigentibus possessiones eorum in pignus accipiunt, ut provenientes fructus percipiunt ultra sortem. Idecirco generalis concilii decernit auctoritas, ut nullus a modo constitutus in clero vel hoc vel aliud usurpæ genus exercere præsumat. Et si quis hactenus alicuius possessionem data pecunia sub hac specie in pignus accepit, deductis expensis si sortem suam de fructibus inde percepit, absolute possessionem restituat debitori. Si autem aliquid

A minus habet, eo recepto, possessio libere reverent ad dominum. Quod si post hujusmodi consti in clero quispam extiterit quod detestans rarum lucris insistat, ecclesiastici offici pericula patiatur, nisi forte beneficium ecclesie fecit, quod redditum ei de manu laica hoc modo videtur.

CAP. VIII. In partibus Tolosæ damnata bæsis dudum emersit, quæ more cancri paulatim se loca vicina diffundens, per Guasconiam et alias provincias quam plurimos jam infecit. Quædam modum serpentis infra suas revolutiones abscondit, quanto serpit occultius, tanto gravius Domum vineam in simplicibus demolitur. Unde ea eam episcopos et omnes Domini sacerdotes in partibus communorantes vigilare præcipimus, ut interminatione anathematis prohibere, ne cogniti fuerint illius bæresis sectatores, recepti eis in sua terra aut præsidium impertiri quæ præsumat. Sed neque in venditione aut empio aliquia cum eis communio babeatur, ut solatio item humanitatis amissio, ab errore via sue reipiscere compellantur. Quisquis autem contra hanc venire tentaverit, tanquam particeps iniurie eorum, anathemate feriatur. Illi vero si depravati fuerint, per catholicos principes custodiz marciap, omnium bonorum amissione multentur. Et quoniam de diversis partibus crebro in unum latibulum conveniunt, et præter consensum erroris nullam et habitandi causam habentes in uno domicilio con morantur, talia conventicula et investigantur, et si inventi fuerint, canonica severitate velentur.

C

III.

JURAMENTUM MAGISTRI GIRARDI PUCELLE

ET ALIORUM A SCHISMATE REDEUNTUM.

Ego Girardus resfuto et anathematizo omnem hæresim extollentem se adversns sanctam Ecclesiam Catholicam, et præcipue schisma et hæresim Octavianam et Guidonis Cremensis. Ordinationes quoque

D eorum irritas esse pronuntio, et a modo et modo obediens et fidelis ero domino papæ Alexandro que successoribus Catholicis. Sic me Deus afferat et hæc sancta Dei Evangelia.

IV.

NARRATIO THOMÆ ARCHIEPISCOPI CANTUARIENSIS

De ampulla olei sancti, quo reges Angliæ ungæ debent in coronatione, sibi divinitus ostensa.

Quando ego Thomas Cantuariensis archiepiscopus exsul ab Anglia fugiebam ad Franciam, veni ad papam Alexandrum, qui tunc Senonis erat, ut ei ostenderem consuetudines malas et abusiones quas

rex Anglorum in Ecclesiam introducebat. Una autem nocte, cum essem in ecclesia Sanctæ Columbae oratione, rogavi Reginam virginum, ut daret eis Anglorum et bæredibus suis propositum et volum

emendandi se erga Ecclesiam et quod Christus ex eius misericordia ampliori dilectione ipsum dili-
cet, et sacerdotem ficeret Ecclesiam. Statim apparuit mihi beata
benignitas in pectore istam aquilam auream, et in
manu sua tenens parvam ampullam lapideam; et
incipiens aquilam de pectore suo, ampullam inclusit
in aquilam cum ampulla in manu mea posuit, et hæc
verbis per ordinem mihi dixit: « Ista est unctio, de
per quam ungi debent reges Anglorum, non isti qui modo
sunt regnanti seu regnabunt, quia maligni sunt et erunt,
sed propter peccata sua multa amiserunt et amittent.
Illi autem reges Anglorum futuri, qui unguentur
de hæc unctione ista, benigni et pugiles Ecclesiae erunt.
Domine ita terram amissam a parentibus pacifice recuperantur, et fabunt, donec aquilam cum ampulla habeant. Est
tunc rex Angliae futurus, qui post unguetur unde
hæc ista, qui terram amissam a parentibus, scilicet
Normanniam et Aquitaniam, recuperabit suis.
Rex iste erit maximus inter reges, et est ille qui
adificabit multas ecclesias in terra sancta, et fugabit
Iudeos paganos a Babylone, et in eadem plures ec-
clesias adificabit, et quotiescumque rex portabit
aqua in pectore, victoriam habebit de inimicis,
et regnum ejus semper augmentabitur. Tu autem
futurus es martyr. » Et tunc rogavi beatam virginem
Iustam, Willelmus monachus Sancti Cypriani Picta-
vensis, ejectus injuste ab abbatie suo de abbatia, qui
rogat papam ut abbatem suum compellat, ut eum
in abbatiam reducat. Trado tibi aquilam cum ani-
pulla, ut eam ad civitatem Pictavensem portet, et
in ecclesia Sancti Gregorii, que est juxta ecclesiam
Hilaris, eam abscondat in capite ecclesie versus
occidentem sub lapide magno. Ibi invenietur tem-
pore opportuno et erit unctio regum Anglorum.

ACapi... paganorum erit causa inventionis istius aquilæ. Et hæc omnia sibi tradidi inclusa in quodam vase plumbeo.

PROPHETIA ANTIQUA CIRCA DICTAM AMPULLAM ET RE-
GIBUS ANGLIÆ, ETC.

(*Ista prophetia transcripta est anno Domini 1407
in festo Sancti Mattheiæ de una schedula valde re-
tusta, qd Fyshborne.*)

Anno a creatione mundi sex millibus, quingentis
lxxxvii annis, lily regnans in nobili parte mundi
movebit contra semen leonis, et veniet in terram
leonis, et stabit in agro inter spinas regionis illius.
Tunc Filius hominis veniet serens tres feras in bra-
chio, cuius regnum est in terra lunæ. Cum magno
exercitu transibit aquas, et ingredietur in terram
Bleonis carentis auxilio, quia bestiæ regionis suæ
pellem suam dilaceraverunt. Illo anno veniet aquila
a parte orientali, alis extensis sub sole, cum multi-
tudine pullorum suorum, in adjutorium Filii homi-
nis. Illo anno multa castra destruentur : terror
magnus erit in mundo ; et in quadam parte leonis
erit bellum inter plures reges. Illa die erit diluvium
sanguinis et lily perdet coronam, de qua postea
Filius hominis coronabitur. Per quatuor annos se-
quentes sicut in mundo prælia multa inter fidem
tenentes, et major pars mundi destruetur. Caput
mundi erit in terram declinatum. Sed Filius homi-
nis cum aquila prævalebit. Tunc erit pax in toto
orbe terrarum et copia frugum. Et tunc Filius homi-
nis admirabile signum sumens transibit ad ter-
ram promissionis, quia primo cause promissa tunc
adimplita permanebunt.

Aquila est imperator; Filius hominis est rex
noster; lily est rex Franciæ; leq est dux Bur-
gundionum et dictus rex noster habet dictam aqui-
lam cum ampulla.

V.

COLLOQUIUM INTER CARDINALES ET ARCHIEPISCOPUM.

*Hec est actio, quæ celebrata est inter dominum Cantuariensem et regem Anglorum, inter Gisortium et Triam in præsencia cardinalium, Willelmi de Patria cardinalis presbyteri Sancti Petri ad Vincula, Odonii diaconi cardinalis Sancti Nicolai de car-
cere Tulliano.*

Dominus Cantuariensis, in octavis beati Martini, advenit de Burgundia in regionem Wolcasinum ad Triam oppidum ad colloquium cardinalium qui a rege Anglorum a Cadomo occurserent archiepiscopo ad Gisortium. Considererunt pariter inter Gisortium et Triam duo illi cardinales cum archiepiscopo Rotomagensi et multi alii ex parte regis : archiepiscopus quoque Cantuariensis sedis apostolicæ tunc auctoratus legatus et cum eo exsules ejus Joannes Salesbensis cum Herberio de Boseham, Lombardus de L'acentia, Alexander Wallensis, Gaulridus prior de

Pantencia et Garinus canonicus, Robertus et Gilbertus canonici capellani Cantuariensis, Joannes Cantuariensis, Alanus, Ricardus, Henricus et multi alii. Cooperunt cardinales multa proponere de charitate domini papæ et sollicitudine multa qua cruciabantur quotidie, pro procuranda pace et securitate domini papæ, Cantuariensis et suorum. Inde de suo adventu de urbe Romana, et laboribus et periculis itineris sui quod fecerant, exeuntes ab urbe mense Martio jam medio et pervenientes in Northmanniam mense Novembrio ; deinde de magnitudine regis Anglorum et de necessitate Ecclesiæ Romanæ, quæ multa beneficia habere solebat de rege et regno ejus, quibus tunc carebat, occasione discordiæ hujus. Deinde de majestate temporis, deinde de amore et beneficiis quibus rex Angliæ providerat

Cantuariensi, et de honore quem ei semper exhibuit. His subjunxerunt querelas et injurias, quibus rex a Cantuariensi se laesum esse conquerebatur, imponens ei inter cætera, quod ei excitaverat guerram regis Francorum : ad ultimum quæsierunt consilium : quomodo indignationem tanti principis placare possent, quia, inquiunt, sine multa humilitate et moderatione et magni honoris exhibitione, remedium tantis periculis adhiberi non poterit.

Hæc autem dicebant consulto, ut animum ejus terroribus frangerent, vel ad indignationem provocarent : quo vel minus sapienter vel minus humiliiter responderet. Dominus vero Cantuariensis in omni humilitate et mansuetudine spiritus, sereno vultu, radiantibus oculis, et rosea facie, lingua Latina, fæcundissime et disertissime primum gratias agit domino papæ de charitate et sollicitudine quam habebat erga se et coexsules suos : mirante omni multitudo, quæ aderat, super prudentiam et responsum ejus. Ad singula enim quæ illi proposuerant, seriatim et eodem ordine respondet, rationibus veris et probabilibus, querelas regis evacuans et injurias Ecclesiæ et dæmonia intolerabilia patenter exponens. Et quia humilitatem et delationem honoris ab eo exigebant, respondit se libentissime omnem humilitatem exhibitum, et honoris et reverentiae domino suo regi quantumcumque posset salvo honore Dei, et libertate Ecclesiæ, et personæ suæ honestate et possessionibus ecclesiarum. Et si iis videretur aliquid adjiciendum, rogavit cardinales ut consilium darent,

A dicens se habere propositum acquiescendi salva libertate conditionis, professionis et ordinis. Responderunt illi se non venisse ut ei, sed ut eum consularent et reconciliationis tentarent viam. Quæsierunt dehinc cardinales ab archiepiscopo, an in sua provincia vellet promittere observantiam consuetudinum Clarendonie, id est Cleri-Damni : quibus, secundum quod rex eis persuaserat, muneribus magnis datis et majoribus missis, reges Anglorum audierant usos fuisse antecessorum suorum archiepiscoporum temporibus : et sic sotipis omnibus querelis in gratiam redire et repetere sedem suam et administrationem et pacem sibi et suis. Ad hæc respondit archiepiscopus, nullum prædecessorum suorum ab aliquo regum ad hanc professionem fuisse arectatum : neque se Deo auctore promissurum unquam ut observet consuetudines quæ Dei legibus patenter adversantur : quæ sedis apostolicæ convellunt privilegium; quæ Ecclesiæ perimunt libertatem; quas dominus papa Senonis in illorum et multorum præsentia condemnavit : « Et ego, inquit, domini papæ secutus auctoritatem, quasdam earumdem consuetudinum cum observatoribus suis anathematizavi, sicut in multis jam conciliis catholica Ecclesia fecisse dignoscitur. Ideo ipsum scriptum regiarum constitutio- num quas apud Cleri-Damnum statuisse dignoscitur, cum pravitatibus quæ in eo continentur in irritum duxi ac quassavi : præsertim eo quod non appellatur ad sedem apostolicam. » (Vide quæ diximus in præfatione).

VI.

SUMMA CAUSÆ INTER REGEM ET THOMAM.

De prima manifestæ inter dominum Cantuariensem et dominum regem discordie causa.

Henricus, nobilis rex Anglorum, dux Normannie et Aquitanie et comes Andegaviæ, venit Londoniam Kalendis Octob. anno Verbi incarnati 1163, et archiepiscopus Cantuariensis Thomas et Eboracensis Rogerius et omnes episcopi Angliæ. Sola autem et summa causa concilii fuit, ut metropolitanus Cantuariensis totius Angliæ primas esse solemniter monstraretur; cui solus in hoc Eboracensis obviavit : cum ecce præter spem omnium, rex Anglorum quædam satis dura proponere coepit.

Primo enim conquestus est de archidiaconorum violentia, quod aliorum delicia in sua verterent luera, quod peccatorum pretia exigant, et de his suis supra modum luxus exerceant, cum tamen peccantibus debitam correctionem non impendant : dixitque se velle, ne archidiaconi quemquam quantumcumque infamem super aliquo crimen convenient, præter officialis sui conscientiam. Moxque ad aliud sermonem vertens : « Cogito, inquit, cogitationes pacis, moveisque multum pro bono pacis, quæ in

regno meo clericorum malitia perturbatur, qui rapinas et furta perpetrant, et homicidia plerumque. Peto igitur et volo, ut tuo, domine Cantuariensis, et coepiscoporum tuorum consensu clerici in maleficiis deprehensi vel convicti vel confessi exaucientur illico, et mox curiaæ meæ lictoribus tradantur, ut omni defensione ecclesiæ destituti, corporaliter puniantur. Volo etiam et peto, ut in illa exaucitione, de meis officialibus aliquem interesse consentiat, ut exaucitorum clericum mox comprehendat, ne qua ei fiat copia corporalem vindictam effungiendi. »

Ad hæc, dominus Cantuariensis, cum super petitionis hujus responso nec usque mane impetrare posset inducias, secessit in partem cum episcopis suis. Moxque hinc inde allegatum est : episcopi dicebant secundum leges sæculi clericos exaucitatores curiaæ tradendos, et post poenam spiritualem, corporaliter puniendo, quoniam quo digniores sunt ex privilegio, eo deteriores judicantur in delicto ; et quo deteriores in delicto, eo graviori sunt afficiendi supplicio. « Non ergo mirum, inquiunt, &

privationem ordinis sequatur supplicium corporis. Id ipsum etiam non solum legibus, sed etiam authenticis probabant exemplis; Levitas Veteris Testamenti proponentes in medium, quos reos forte flagitii lege prohibiti, sequebatur mors corporis; vel juxta similitudinem criminis, multatio in membris.

Dominus vero Cantuariensis sacris canonibus consentiens, in contrarium allegabat, asserens omnino injustum fore, et contra canones, et contra Deum, si ob unius punitionem delicti, duo quis subeat iudicia. « Nec enim Deus judicat bis in idipsum. » — Quod enim, inquit, judicat Ecclesia, aut justum est aut injustum: sed non dabis injustum, erit ergo justum. Quod, cum non contineat absolutionem, continet damnationem. Si ergo damnatur reus, cum exaucoratur, non debet aliud iudicium inchoari ad ejusdem condemnationem peccati. Ad hæc quoque cavendum est, inquit, nobis, ne nostro consensu opprimatur et pereat libertas Ecclesiæ: pro qua, exemplo summi sacerdotis nostri, ex officio tenemur usque ad mortem certare. Nondum autem usque ad mortem restititis. »

Ad hæc episcopi pereuntem ecclesiæ libertatem nullum periculum afferre ecclesiæ dicebant; sed, aiunt, Potius nunc expedit, ut pereat, ne toti pereamus. Faciamus ergo quod rex petit; alioquin peribit fuga a nobis, et non erit, qui requirat animas nostras. Regi vero consentientes, hereditate possidebimus sanctuarium Dei, et in possessionibus ecclesiarum nostrarum securi dormiemus. Malitia etiam temporis hujus multa indulgenda sunt. [Hoc enim dictum est propter schisma, quod tunc fuit in Romana Ecclesia: erat namque apud Alemanniam quidam antipapa.] Hæc dicebant episcopi, tanquam diei malitia sua non sufficiat, nisi et ipsa augeatur per malitiam episcoporum.

Ad hæc dominus Cantuariensis zelo domus Dei succensus: « Video, inquit, vos vestras inertias sub specie sustinentiæ consolari, et dispensationis vestræ prætextu, sponsæ Christi libertatem suffocari. Et quis vos fascinavit, o insensati pontifices? Quid prudenti vocabulo dispensationis manifestam iniquitatem vestram contegit? Quid vocatis dispensationem, totius Ecclesiæ Christi dispendium? Rebus vocabula serviant; non cum rebus pvertantur vocabula. Quod autem dicitis, malitia temporis multa fore indulgenda; assentior certe, sed non ob id peccata accumulanda esse peccatis. Potens est Deus Ecclesiæ suæ conditionem facere meliorem, quamvis non efficiamini deroiores. Numquid impotens est Deus subvenire sanctæ Ecclesiæ, nisi per vitia doctorum Ecclesiæ? Arbitror vos compati infirmitatibus Christi, quasi impotens sit sponsam suam erigere, nisi sensibus nostris adjuvetur. Revera tentat vos Deus. Quæso namque, quando se debent episcopi offerre discrimini? Numquid in tranquillitate et non in discrimine? Erubescitis certe fateri, quod in tranquillitate. Restat ergo,

A ut cum in Ecclesia est perturbatio, pastor ecclesiæ opponat se periculo. Nec enim majoris meriti fuit olim episcopis, in suo sanguine Ecclesiam Christi fundare quam nostris temporibus pro Ecclesiæ libertate sanguinem fundere. Et ego quidem, Deo teste, affirmo, non esse nobis tutum a forma illa recedere, quam a sanctis patribus nostris acceperimus. Nec nos quemquam morti debemus exponere, cum etiam iudicio sanguinis nobis non licet interesse. »

B Hæc verba mox ad regem relata sunt. Videns illico quamplures Ecclesiæ, non dico columnas, sed arundines, vento agitari et trepidare, auditu quod non per omnia voto regis essent parituri. Et certe statim ante minas cessissent, nisi domini Cantuariensis constantiam persensissent. Videns autem rex, quod in verbo illo, ubi voluit proflcere, non valuit, citius ad alia se convertit, sciscitans ab eis, si consuetudines suas regales essent ei per omnia servatrici. Dominus vero Cantuariensis cum consilio locutus. « Etiam, inquit, in omnibus; salve tamen per omnia et in omnibus ordine nostro. Et cum postea id ipsum rex a singulis ex ordine quereret, erat quidem tunc vox illa in ore omnium. Cum vero diutius instaret, volvens et revolvens, si consuetudines suas regales absolute et absque apposita ordinis sui salvatione, simpliciter omnino se ei servaturum promitteret dominus Cantuariensis; a Christi vicario, quod voluit, obtinere non valuit. Turbatus est ergo rex vehementer, et ounnis Jerosolyma cum illo: subitoque in illa spiritus vehementia exsiliens, Londonia discessit universis negotiis suis infectis, et ratiociniis pendentibus. Videres tunc murmur in populo, commotionem in clero. Episcopi turbati et tremuli, regem abeuntem sunt prosecuti; metuentes, se non prius regem inventuros, quam audirent se omnia bona sua perdituros. Moxque operati sunt cum rege occultam conventionem, omni mentione Dei et ordinis sui postposita: et tam facile regis petitioni assensum præbuerunt, ut viderentur consensisse antequam ille petisse, adeo ut qui inter eos aestimabantur scientiores, ad opprimendam Ecclesiæ libertatem fierent prioniores. Cantuariensis autem solus præsul resedit, considerans ad dextram et ad sinistram; nec fuit qui cognosceret eum. Requirebat in fratribus solatum; at illi abierunt retro, et jam cum illo non ambulabant. Pacem denique peccatorum videns, et sibi undique imminere discriminem: « Unum, inquit, locutus sum; quod terreni regis regales nullatenus servarem consuetudines, nisi salvo in omnibus ordine meo. » Ob id offensam regis incurri: ob id episcopi mei dereliquerunt me; ob id totius orbis oculos offendit. Sed quid? Velit, polit mundus: ego cum mortali paciscens homine, nullo unquam tempore Dei mei et ordinis mei immemor ero, Deo volente. Absit a me, ut cujusquam mortalis metu vel gratia Deum inveniar contemptisse! Si angelus de cœlo venerit, et tale mihi consilium derit, anathema sit. »

De compromissione et consensu archiepiscoporum et A omnium episcoporum super consuetudinibus regni.

Anno ab Incarnatione Domini millesimo centesimo sexagesimo quarto, papatus Alexandri anno sexto, illustrissimi regis Anglorum Henrici II anno undecimo in praesentia ejusdem regis facta est haec recordatio vel recognitio cuiusdam partis consuetudinum, et libertatum, et dignitatum antecessorum suorum, videlicet regis Henrici avi sui, et aliorum, quae observari et teneri deberent in regno. Et propter dissensiones et discordias, quae emerserant inter clerum et justicias domini regis, et barones regni, de consuetudinibus et dignitatibus regni, facta est ista recordatio vel recognitio coram archiepiscopis, et episcopis, et clero, et comitibus, et baronibus, et proceribus regni. Et easdem consuetudines recognitas per archiepiscopos et episcopos, et comites et barones, et per nobiliores et antiquiores regni, Thomas sanctae memorie Cantuariensis archiepiscopus, et Rogerus Eboracensis archiepiscopus, et Gilbertus Londoniensis episcopus, et Henricus Wintoniensis episcopus, et Nigellus Eliensis episcopus, et Willielmus Norwicensis episcopus, et Robertus Lincolniensis episcopus, et Hilarius Cicestrensis episcopus, et Joselinus Saresberiensis episcopus, et Ricardus Cestrensis episcopus, et Bartholomeus Exoniensis episcopus, et Robertus Herefordensis episcopus, et David Menevensis episcopus, et Rogerus Wigorniensis electus, concesserunt, et in verbo veritatis viva voce firmiter promiserunt tenendas et observandas domino regi et haeredibus suis, bona fide, et absque malo ingenio, presentibus istis: Roberto comite Legecestriæ, Reginaldo comite Cornubiæ, Conano comite Britanniae, Joanne comite de Augo, Roberto comite de Clarend., comite Gaufredo de Mandavilla, Hugone comite Cestrensi, Willelmo comite de Arundel, comite Patricio, Willelmo comite de Ferrariis, Ricardo de Luci, Reginaldo de sancto Walerico, Rogerio Bigot, Reginaldo de Warenne, Richorio de Aquila, Willelmo de Braiosa, Ricardo de Cambilla, Nigello de Mowbray, Simone de Bello-Campo, Humfrido de Bou, Mattheo de Herefordia, Waltero de Mednana, Manasse Biseth Dapifero, Willelmo Malet, Willelmo de Curci, Roberto de Dunstanvilla, Joselino de Baillio, Willelmo Lanvalis, Willelmo de Caisneto, Gaufrido de Ver, Willelmo de Hastinga, Hugone de Moreville, Alano de Nova Villa, Simone filio Petri, Willelmo Malduyt Camerario, Joanne Malduyt, Joanne Mariscallo, Petro de Mara, et multis aliis proceribus et nobilibus regni, tam clericis quam laicis.

Consuetudinum vero et dignitatum cognitarum quedam pars in praesenti scripto continetur. Cujus partis capitula haec sunt:

Cap. I. De advocatione, etc. (Vide has sedecim constitutiones apud Herbertum de Bosham, infra.)

Facta est autem predictarum consuetudinum et dignitatum recordatio regiarum a praefatis archiepiscopis, et episcopis, et comitibus, et baronibus, et

nobilioribus et antiquioribus regni, apud Clarendonam, quarta die ante purificationem Sancte Marie perpetuae virginis, dominino Henrico filio regis cum patre suo domino rege ibidem praesente.

De exilio et proscriptione domini Cantuariensis et propinquorum ejus.

Thomas igitur, Deo dignus archiepiscopus Cantuariensis, juxta sanctorum Patrum instituta, que ad ecclesiam suam juste pertinere cognovit, congregata conservare et dispersa revocare satagens, praedia Ecclesiae a praedecessoribus suis minus juste donata vel dimissa, variis tunc de causis, his qui nimia potestate praediti vel affinitate ipsius conjuncti erant, revocare et pristinum jus Ecclesiae reformare nitebatur, quoniam economo Ecclesiae ecclesiastica prædia colere et augere, non negligere nec minuere licet. Clericos etiam qui de curia regis erant, cumeorum reprehenderet incuriam, et cetera omnia quae ad ecclesiasticam jurisdictionem pertinent, ita sibi vindicabat, ut sacrilegi et rerum ecclesiasticarum invasores, cum quibusdam episcopis, et simili schemate clericis, regem et omnem ejus familiam adversus sanctum Domini exasperarent, et in tantum exacerberent, ut post compromissionem illam factam apud Clarendonam, circa proximum Sancti Michaelis festum, praesatus archipresul Norhamtoniam quasi ante tribunal Cæsaris judicandus citaretur. Die statuta, cum ei pro certo intimatum esset quosdam ex regalibus in mortem suam cospirasse, quia interiorum hominem veste sacerdotali, juxta hoc quod dicitur: « Sacerdotes ejus induantur salutari, » jam pridem induerat, nunc exteriorem indumento sacerdotis superficiario sub birro secretius munivit, crucem propriis manibus bajulans, ne a se sua passionis elongaretur exemplum. Archiepiscopus igitur nobilis, solo Deo comitus, cum ab universis et super multis causis impeteretur, non stans personam sacerdotis oneraret, residens, quod ei divinitus inspiratum est, mirifice respondit majorem scilicet a minoribus suis non debere ad judicium vocari, neque eorum sententia ligari. Ordo enim confunditur, si pastorem ovis feriat, si discipulos magistrum, si filius patrem verberet. Non enim ita pretiosius aurum est plumbo, sicut sacerdotalis dignitas regia potestate sublimior. Laici vero suffraganei sui, imo jam nunc magis refraganei, eum haec dicentem et sedem apostolicam appellantem nobilem minus condemnaverunt. Sed vir sanctus clam ut posuit paucis comitatus, appellationem suam prosequens, sanctissimum papam Alexandrum tertium Senonis invenit, et ad pedes ejus se provolvens, causam sui adventus non ignorantem exposuit. Posteaque, ut pro certo cognitum est, iuri archipresulatus sui in manu domini papæ resignavit, expostulans ut aliquem doctiorem et fortiorem de Anglorum Ecclesia in eorum metropoli constitueret cardinalem. Sanctus autem papa elevans filium suum amplexatur, osculatur, lacrymas lacrymis immiscens, Deo referens gratias, quod virum tam humilem spiritu,

B

C

D

pastorem tam sollicitum in salute ovium, advocatum tam constantem in causa, imo in multis causis Dei invenisset. Dignitatem igitur, quam refutaverait, quia neminem ad hoc onus fortiorum esse cognoscebat, dominus papa reddendam ei decrevit, renitenti et invito. Ventilabatur itaque inter ipsum et regem contentio, rege consuetudines regni sui, ut asserebat, confirmare volente, archiepiscopo imo Ecclesia Romana reclamante, quod illae consuetudines veritati per electos Dei manifestatae in multis casibus obloquerentur, veritatique manifeste cedere consuetudines oportere. Invenitur enim Christus aliquando dixisse : « Ego sum veritas, » sed nunquam dixit : Ego sum consuetudo. Et ita altercatio ista sub hoc Marte inter has personas agitabatur, regnante felicissimo rege Ludovico filio Ludovici regis supra Francorum nationem et exhibente prefatum archiepiscopum, quia rebus Ecclesiae suae penitus erat proscriptus, necnon et clericos qui secum morabantur, qui similiiter possessionibus suis privati erant, quoisque ad gratiam saepidicti regis redirent, et consuetudines, super quibus lis orta fuit et adhuc per appellationem suspensa, se non impugnaturos promitterent.

Nam in eos rex talia promulgaverat edicta, singulis Angliae vicecomitibus sic mandans :— « Præcipio tibi quod si aliquis laicus in baillia tua Romanam curiam appellaverit, eum capias et firmiter custodias, donec voluntatem meam præcipiam; et omnes reditus et possessiones clericorum archiepiscopi saisis in manum meam, sicut Randulphus de Broch et

A et alii ministri mei tibi dixerint, et omnium clericorum qui cum archiepiscopo sunt, patres et matres, fratres et sorores, nepotes et neptiles ponas per salvos plegios et catalla eorum donec voluntatem meam inde præcipiam. Et hoc breve tecum afferas cum submonitus fueris. »

Singulis vero episcopis scripsit sic : — « Nostis quam male Thomas archiepiscopus operatus est adversum me et regnum et quam male recesserit. Et ideo mando tibi quod clerici sui qui circa ipsum fuerunt post fugam suam et alii clerici qui detraxerunt honori meo et honori regni, non percipiant aliquid de redditibus illis quos habuerunt in episcopatu tuo nisi per me, nec habeant aliquid auxilium nec consilium a te. Teste Ricardo de Luci apud Merlebergam. »

B Sed cuin nec propter proscriptionem sui vel clericorum suorum sanctus sacerdos in aliquo flecteretur, jussi sunt tam majores quam parvuli utriusque sexus de cognatione sua, necnon et quidam familiares ejus ut magis ex his contristaretur exsulare. Praetaxatus vero archiepiscopus cum parvolorum deportationem cognosceret, quorum adhuc alimenta in maternis pendebant uberibus, ita contristatus est tanquam ipsius animam pertransisset gladius. Sed reminiscens quoniam Abraham dictum est : « Egregere de terra et de cognatione tua, » sicuti et terram ita et cognationem suam postponendam Ecclesiæ honori penitus destinavit, quia contra Dominum nulli hominum aliquid debetur.

VII.

DE JURAMENTIS CONTRA ROMANAM ET CANTUARIENSEM ECCLESIAZ PUBLICZE PER ANGLIAM PRÆSTITIS.

Anno ab Incarnatione Dominica 1069, rex Henricus jurare facit omnem Angliam, a laico duodecim vel quindecim annorum supra, contra dominum papam Alexandrum et beatum Thomam archiepiscopum, quod eorum non recipient litteras neque obedient mandatis, et si quis inventus foret litteras eorum deferens, traderetur potestatisibus tanquam coronæ capitalis inimicus regis. Archiepiscopus, hoc audito, tanto compatiens errori et apostasiæ, misit litteras, quæ sequuntur (*vide epist. S. Thomæ, col. 5:0*), ad quosdam timoratos Dei ut cæteros absolvant.

Capitula vero constitutionum, quas rex Henricus eodem anno in Normannia constituit et justitiis suis,

C Ricardo de Luci et duobus archidiaconis Galfrido Ridell Cantuariensi et Ricardo Pictaviensi, omnibusque principibus et populis Angliae juranda et servanda contra dominum papam et archiepiscopum mandavit, continentur in prima parte epistolarum cum capitulis dignitatum regiarum et consuetudinum avitarum, quæ apud Clarendonam in presentia domini regis ab archiepiscopis, episcopis, et baronibus et nobiliaribus et antiquioribus regni recordatae sunt et confirmatae.

(*Has constitutiones in Normannia anno 1169 promulgas ride in Quadrilogio secundo.*)

VIII.

FRAGMENTUM AD FISCUM PERTINENS.

Dicetis super sacramentum vestrum quid vicecomes vel bailivi eorum ceperint quoquomodo de sin-

D gulis hundredis, singulis villatis, singulis hominibus postquam rex transfretavit. Dicetis quot et quas ter-

ras vicecomes vel bailivi eorum emerint vel invadaverint. Dicetis quid et quantum vicecomes vel bailivi eorum dederit iustitiis errantibus. Dicetis quid actum sit de catallis fugitivorum, qui propter assidam de Clarenduna fuderunt. Dicetis, si aliquis sit retatus et postea premio relaxatus et reversus. Dicetis quid datum sit ad filiam regis maritandam, et cui traditum sit. Dicetis si vicecomes vel bailivi eorum vel domini villarum aliquam pacem fecerint vel faciant cum hominibus gravatis ne querimonia coram rege vel iustitiis veniret. Dicetis de adnumeracatis si quis relaxatus fuerit et per quem. Dicetis si aliquis est qui homagium non fecerit domino regi

A vel filio suo. Dicetis de dominis domini regis, si se sunt ut rex praecepit antequam rex transfretavit. Dicetis de his qui habent aliquam bailiam de rege in custodia, sive de archidiaconatibus; sive de episcopatibus, sive de abbatibus vel de aliqua eschaeta, quid ipsi vel bailivi eorum ceperint, vel quid in bailia illa acquisierint. Dicetis quid forestarii vel bailivi eorum ceperint de forestis domini regis, et si aliquem relaxaverint, qui retatus fuerit de foresta. Dicetis quid domini villarum vel seneschalli eorum ceperint praeter rectam consuetudinem. Dicetis quid et quantum archidiaconi vel decani ceperint injuste et sine iudicio.

IX.

DE SCHISMATIS INNOVATIONE.

Hoc est iusjurandum quod juravit Joannes Sil. et Henricus de Oxenfordia apud Coloniam, cuius occasione juramenti schisma jam fere emortuum revixit in Alemannia, et ipse cum socio Ricardo de Illestrae haeresi damnata involutus est, sicut in Anglia etiam participatione illius grandis et insignis schismatici Coloniensis Reginaldi excommunicationis sententiam contraxerunt.

Cum clerum plurimum et principes suos ad concilium suum in hac solemnitate Pentecostes imperator adunasset, Sabbato et secunda feria tractatum est de pace et concordia inter nos et ipsum reformatum. Ad hæc superveniens Coloniensis electus in medio omnium protestatus est: « Domine imperator, concilia quæ adversus papam Alexandrum huc usque captasti ad destitutionem ejus, nihil tibi profuerunt, nihil ei nocuerunt. Nam et de nostris plurimi ei obedientiunt et adhaerent, sicut dominus Moguntinus et alii. Sed si mibi et consilio meo acquieveritis, in promptu erit et Alexandri dejectio et papæ nostri Paschalis exaltatio. En ego acquisivi parti nostræ quinquaginta episcopos cum archiepiscopis suis et plures numero de dormitione regis Angliæ, qui papæ Paschali adbærebunt et nobis, si vos Alexandri obedientiam et eo decadente cujusque de parte ejus electi abjuraveritis. Inque certitudinem hujus rei ecce præsentes adsunt duo nuntii regis Anglorum parati in persona domini sui jurare, quod ratum habebit et jurabit quod vos hic jurabitis super hoc et statuetis. » Placuit imperatori forma consilii, et se nomen Alexandri et obedientiam in perpetuum abjuraturum promisit. Cumque clerus de sententia et consensu interrogaretur et instantius conveniretur, ait Magdeburgensis et plurimi alii; quoniam futura incerta sunt et plerumque quem eligunt principes, abjicit Deus, et quem populus approbat, improbat Deus, temerarium esse hujusmodi sacramentum et se prius regalia relicturum quam ita juratum. Ait imperator eum oportere et regalia retinere et cum eo ita jurare. Cumque jam excandesceret ira imperator, Magdeburgensis ad mitigandum vel differendum rem ait: « Si dominus Coloniensis,

B qui hujusmodi consilium et sacramentum inducit, primus omnium abjuraverit Alexandrum et iuraverit quod ordinationem suam et consecrationem a Paschali recipiet, de secreto animi sui certiores nos reddet: omnem scrupulum suspicionis præzumentibus nostris auferet: nosque sic in hujusmodi sententiam et sacramentum facilius inducet. » Acquistavit imperator. Cumque Coloniensis ita primo iurato jussus detrectaret, et etiam usque ad lacrymas remitteretur, vehementer accensus imperator ait: « En appetat quod tanquam proditor operatus sis aduersus me et animam meam. En appetat quod sanum consilium dedit mihi Moguntinus defuncto Octaviano dicens quod cum Dominus, eo mortuo, me a periculo maximo jam liberasset, caverem mihi ne me iterum periculo consimili involverem. Unde tibi missis mandatis scripsi ne me inconsulto de substituendi pontificis electione quidquam tractares, tu vero clam me auctoritate tua istum elegisti et Te Deum laudamus per te decantasti. Parasti nobis foream; primus modo incides in eam. » Sicque Coloniensis primus et absolute juravit in supradictam formam. Postmodum imperator obedientiam vestram et cunctaque de parte vestra electi abjuravit: hoc sane retento et determinato quod si contigerit et vos et Paschalem decadere et utraque pars in unam personam eligendam concorditer convenerit, liberum sit ei assentire et eam recipere. Tunc Coloniensis adjecta ita, si de consensu vestro fuerit celebrata electio, et addidit quod sacerdotis suos jurare et eos qui aderant, et eos qui aberant, in partibus suis et provinciis suis, in consimilem formam et quod ipso decadente imperatore non prius alium imperialibus insignibunt, quam ipse substituendus idem præstet sacra-

mentum abjurationis. Tunc juravit dux Saxonum Marchio Albertus, quidam comes palatinus frater imperatoris et quidam sororius ejus. Magdeburgensis archiepiscopus tandem et cum lacrymis abjuravit, hoc adjecto, quandiu regalia retinebit et si omnes qui aberant idem jurent. Postmodum Bru-

A nensis duoque alii suffraganei ejus juraverunt et nuntii regis Angliae in personam ejus. Duo episcopi excusati per absentiam archiepiscopi sui non juraverunt, sed dilatum est eorum et cæterorum, qui aberant, sacramentum usque ad octavas Petri et Pauli.

X.

GRADUS COGNATIONIS INTER REGEM ET REGINAM.

Hanc computationem præsentaverunt Pictavienses cardinales, quando sanctus Thomas exsulabat, sed non sunt auditi.

Sic computati sunt gradus cognitionis inter regem Anglorum et reginam. Willelmus rex Anglorum et Robertus comes Moritonii uterini fratres fuerunt. De Willelmo natus est Henricus; de Henrico Ma-

B thildis imperatrix; de Mathildi rex Henricus. Item de Roberto comite nata est Beatrix comitissa Pictavensis; de Beatrice Willelmus comes; de Willelmo comite Alienoris regina.

XI.

REVOCATIO ARTICULORUM QUOS REX HENRICUS SECUNDUS VOLUIT ECCLESIAM ANGLICANAM OBSERVARE.

In Dei nomine, Amen ! Anno Domini 1173, comitram venerabilibus in Christo patribus et dominis, domino Alberto divina dignatione tituli Sancti Laurentii in Lucina et Theodwino tituli Sancti Vitalis presbyteris, cardinalibus, et apostolicæ sedis legatis, priore et conventu Ecclesie Cantuariensis ac aliis quampluribus regni Anglie personis, in Ecclesia conventuali Sanctæ Trinitatis Cantuariensi congregatis. Nos Henricus Dei gratia rex Anglie, dux Normannorum penitentiam a vobis dominis legatis auctoritate apostolica in remissionem peccatorum nostrorum injunctam, humiliter et devote perficere volentes, in litteris scriptis publice et palam revocamus, abdicamus, renuntiamus et resignamus omnes illas malas consuetudines, contra illas antiquas libertates Ecclesie Anglicanae per nos nequiter inductas, easque et earum singulas pro nobis et hæredibus nostris totaliter dimittimus in perpetuum, pro quibus beatus Thomas nuper Cantuariensis archiepiscopus usque ad mortem decertavit. Præterea ad honorem omnipotentis Dei, beatæ Mariæ Virginis et omnium sanctorum, ac in remissionem peccatorum nostrorum, concedimus pro nobis et hæredibus nostris, quod Ecclesia Cantuariensis ac omnes alias ecclesias Anglicanas sint liberæ, et habeant

C omnes libertates illæsas, sicut habere consueverunt ante coronationem nostram. Et quod omnes ecclesiæ in regno nostro Angliae per nos vel hæredes nostros de cætero fundandæ gaudeant omnibus et siugulis libertatibus prædictis. Ita quod occasione vocationis earumdem, vel alicujus earum, temporalia earundem ecclesiarum per nos vel hæredes nostros concedenda minime in manus nostras seu hæreditum nostrorum capiantur seu salsentur; et si aliqua occasione præmissa capiantur seu salsentur, volumus et concedimus per præsentes quod sine dilatione integre restituantur et liberentur, nulla inde exactionis alicujus ratæ ratione præmissa per nos vel hæredes nostros ab iisdem vel ab aliqua earumdem aliqualiter exigenda vel præcipienda. Protestamur etiam et promittimus bona fide pro nobis et hæredibus nostris ad auxiliandum, corrigendum, emendandum et dilatandum prædictam revocationem, abdicationem, renunciationem, resignationem nostram forma meliori, ad honorem Dei et Ecclesie, ad nos vel hæredes nostros ad hoc per archiepiscopum Cantuariensem seu per aliquem prælatorum regni nostri porrecta, qui pro tempore fuerint ac hoc debite fuerint requisiti. Acta sunt hæc anno Domini supradicto.

XII.

HÆC SUNT CAPITULA PURGATIONIS

Quam præstítit Eboracensis quarta manu juratorum, quorum unus fuit magister Vacarius.

Quod ipse consuetudines avitas, super quibus A vertebarunt controversia inter regem et dominum Cantuariensem, nec scripto nec juramento firmavérat.

Quod ipse nec opere nec sermone, nec per se nec per interpositam personam, scienter aliquid machinatus est, quoj dominum Cantuariensem in mortem traheret.

Quod litteras domini papæ in Angliam destinatas de inhibitione coronationis filii regis nec receperat, nec vidit, nec aliquid fieri fecit, quo minus eas videret vel recuperet.

Quod ipse in coronatione filii regis debitum jumentum recepit integre, nec aliquid omisit quod in coronatione regis Angliae præstari solet.

XIII.

STEPHANI LANGTON

ARCHIEPISCOPI CANTUARIENSIS

TRACTATUS DE TRANSLATIONE BEATI THOMÆ.

1. Translationis beati Thomæ memoriam annuae devotionis studio recolentes ante mentis oculos statuamus, quod debellatoribus Ecclesie primitivæ dicitur per prophetam, ut nostræ servitutis debitum fidelius persolvamus, et ad ministerium nostrum implendum validius accingamur. Ait siquidem Zacharias : « Bibentes ineibriabuntur quasi vino, et replebuntur ut phialæ, et quasi cornua altaris, et salvabit eos Dominus Deus eorum in die illa, ut gregem populi sui, quia lapides sancti elevabuntur super terram. » Nulli vero videatur indecens aut indignum, quod agere volentibus diem festum bellatores proponimus in exemplum. Necessarium est enim, ut solemnia celebrantes sint ad spirituale prælium expediti, ne dum sanctorum merita venerantur, inimicorum jaculis vulnerentur. Quod bene significat ille Bellator egregius, Judas videlicet Machabæus, qui sancta mundare disponens et templum Domini dedicationis officio renovare, ordinavit viros, qui pugnarent interim adversus eos qui erant in arce.

2. Hujus exemplo solemnius insistentes, contra malignos spiritus in arce superbæ residentes viriliter dimicemus. Qui peccati venenum festivitatis vino miscentes interficiunt infelices, qui solemnitatum obtenuit negotium ventris agunt, et spirituale gaudium exultatione carnali corrumpunt. Imitemur ergo, charissimi, Matathiam et filios ejus, qui cum fidelibus Antiocho resistantibus provide statuerunt, ut contra gentes, quæ tempore Sabbatorum in eos insurgent, unanimiter dimicarent. Nos namque pru-

B denter et fortiter hostibus resistamus, qui Sabbatho nostra perturbant, et ini quis subreptionibus machinantur. ut spirituale gaudium, in pernicie transeat animarum, quod ad earum remedium est statutum. Si enim lætitiae frena laxantes præterit lætitiae, lasciviam amplectamur, et abjecte cingulæ disciplinae viri ecclesiastici fuerint dissoluti, hostes ecclesiam intuentes ejus Sabbatho deridebant. Cui igitur in psalmo legamus, quod in justorum tabernaculis vox exultationis resonet et salutis, si justi esse volumus, attente curemus, ut si apud nos fuerit vox exultationis, eadem sit et salutis. Nec exultatio salutem excludat, aut temporale gaudium dolorem perpetuum introducat.

C 3. Tota mentis intentione vitemus, ne juxta Thadæi testimonium Dei nostri gratiam in sanctorum gloria constitutam in luxuriam transferamus. Quoniam in judicium sunt proscripti, et damnationis titulo jam notati, qui temeritatis hujus audaciam attentare præsumunt. Dies enim festos quos in hac vita lætitia prosequitur, inhonestæ vite terminus juxta verbum propheticum in lamentationem convertet et luctum. Quis namque miretur, si Dominio servire cogantur in poenis, qui eum coegerunt in suis servire peccatis, juxta quod conqueritur per prophetam qui suam et sanctorum gloriam ad voluptatem retorserunt et culpam? Modum autem et formam solemnitatibus celebrandis scriptura prescribit, quæ cujusdam festivitatis celeberrime gaudia prosequens asserit omnem secundum faciem

sanctorum suisse jucundum. Qualis vero sit ista solemnitas, Apostolus docet dicens: « Fornicatio, et omnis immunditia, aut avaritia, nec nominetur in vobis, sicut deceat sanctos, aut tdrpitudo, aut stultiloquium, aut scurilitas, quæ ad rem non pertinet, sed magis gratiarum actio. » Vir enim sanctus, licet in Jericho conversetur, faciem tamen euntis in Hierusalem non amittit, quia licet eum in mundo delineat conversatio corporalis, faciem tamen retinet ad coelestia suspirantis.

4. Bellatores itaque primitivos, sicut diximus, imitemur, quorum probitas nos invitat, ut in diebus festis hostes fortiter impugnemus. Sermo propheticus Iudans ait: « Bibentes ineibriabuntur quasi vino, et replebuntur ut phialæ, et quasi cornua altaris, » etc. Haec verba non solum præliatores primos indicant, sed et sanctorum solemnia celebrantes reformat. Tria namque notantur in his verbis, propter quæ salubriter statutum est, ut Ecclesia solemniter celebet festa sanctorum. Prima causa est gaudium, ut in Domino gaudeamus eorum beatitudini congaudentes, quos ipse pie dilexit, excellenter ornavit, stola gloria induit, et magnifice coronavit. Gaudium autem notat prima clausula verbi propheticæ supra præmissi. Secunda causa est exemplum, ut nos qui sanctorum merita recensemus, in sensu bonorum operum eorum vestigis insistamus, et eos mentis gressibus imitemur, de quorum patrocinio gloriamur. Secunda clausula supraposita denotat hanc causam. Qui enim pro virium facultate sanctorum operibus se conformant, congrue vasis sacris et altaris cornibus conferuntur, ut sequentia declarabunt. Tertia causa est subsidium, ut qui de sanctorum meritis gratulantur, de eorum patrocinio glorientur. Nec eis in auxilio sancti desint, sed obsequium sibi factum vicissitudine grata compensent. Hanc tertiam causam notat tercia clausula verbi præmissi. Viatorem ad supernam tendentem, et per festivitatem annuam ad continuam suspirantem refrigerant ista tria. Quoniam ab exemplo deducitur, a subsidio sustentatur, a gaudio refovetur. Exemplum enim obtinet vicem dueis, subsidium adjutoris, et ne solatium ei desit, gaudium bis duobus assistit.

5. Quid autem magis expedit viatori, quam ut iter ejus sit certum, securum, et lætum? Ad quæ omnia sufficiunt ista tria: « Quoniam exemplum certitudinem, subsidium securitatem, gaudium lætitiam administrat. » Ecce quanta suavitas ex observantia festivitatum emanat, quæ per gaudium, de quo diximus, indicatur. Ecce qui fructus de solemnitatibus colliguntur, si pia devotione fuerint observatæ, quos subsidium et exemplum superius expressa designant. Unde cum propheta sanctos lapides super terram elevandos dixisset, insinuans per hoc verbum sanctorum corpora gloriose datumulis transferenda, quantum translationis gloria sit fructuosa fidelibus, mox declarare volens adjungit: « Quid enim bonum ejus est; et quid pulchrum

A ejus, nisi frumentum electorum et vinum germinans virginem? subsidium et exemplum, quæ de solemnii orientur, sicut superius est ostensum, frumentum indicat electorum. Sicut enim in area tritatur, ut granum a palea separetur, sic in Ecclesia discussa sunt gesta sanctorum, ut excussa palea vanitatis tam sancta sit eorum memoria, quam solemnis, et grana sine paleis reservantes eorum adjuvemur auxiliis, et informemur exemplis. Frumentum etiam in horreo mundo reponitur, ut servetur, nec absque munditia cordium possunt votiva solemnia, prout decet, observari. »

6. Gaudium autem sanctum, quod festivitatibus est annexum, per vinum germinans virginem indicatur. Vinum namque spiritualis lætitiae munditiam germinat virginalem, quia castitatem nutrit et servat. Sed vinum lætitiae secularis generali aut germinat meretrices, quia libidinem, incitat et inflammat. A festivitatibus ecclesiasticis sit alienum hoc vinum, in quibus est vinum aliud propinandum. Unde Dominus per prophetam eunuchos ejus Sabbathum custodiare testatur. Illos, inquam, eunuchos, « qui, » sicut in Evangelio ipse dicit, « semetipsos propter regna cœlestia castraverunt. » Hi sunt qui pro cœlestis regni desiderio turpitudinem noxiæ voluptatis a sua carne resecant et abscondunt. Notandum autem quod egregie solemnitatum utilitas commendatur, dum ad eam sublimiter extollendam bonitas et pulchritudo junguntur. Sic nempe fratrum concordiani commendavit Psalmista, cum ait: « Ecce quam bonum et quam jucundum habitare fratres in unum! » Sic etiam Christianæ devotionis obsequium in timore divino consistens et observantia mandatorum, vir sapiens laudat dicens: « Nihil melius quam timere Deum, et nihil melius quam respicere in mandatis illius. »

7. Tria superius memorata, scilicet gaudium, subsidium, et exemplum, quæ festivitatibus, ut diximus, sunt annexa, notavit Dominus per prophetam dicens: « Filios advenæ, qui adhaerent Domino ut colant eum, omne custodientem Sabbathum ne polluat illud, et tenentem fœdus meum, adducam eos in montem sanctum meum, et levabo eos in domo orationis meæ. Holocausta eorum et victimæ eorum placebunt mihi super altare meum. » Advenam sacra Scriptura populum gentilem appellat. Unde populo Judaico dictum est: « Advena qui tecum versatur, in terra ascendet super te, eritque sublimior, tu autem descendes et eris inferior. » Hoc autem est evidenter impletum in populo Judaico et gentili. Nos igitur advenæ filii sumus omnes, qui de gentibus orti sumus. Evidenter autem cultus divini modum et formam expressit sermo propheticus, cum de coletibus Deum ait: « Qui adhaerent Domino, ut colant eum. » Scriptum quippe est: « Qui adhaeret Domino, spiritus unus est. »

8. Docet autem Dei cultores, ipsum in festivitatibus venerantes, esse spiritum et non carnem, qui

spiritualem lætitiam, non carnalem exigit cultus Dei. Econtrario de equis Ægypti, per quos potentes seculi designantur, dicitur per prophetam : « Equi eorum caro, non spiritus. » Sunt enim plerumque mundi potentes ad spiritualia segnes et tardi, sed ad carnalia veloces et prompti, et impletur in eis illud propheticum : « Attendi et auscultavi, nemo quod bonum est loquitur, nullus qui super peccata sua agat pœnitentiam, dicens : Quid feci? Omnes conversi ad cursum suum quasi equus impetu vadens ad prælium. » Recte vero subjungitur : « Omne custodientem Sabbathum, non polluat illud et tenetem fœdus menm. Qui enim festivitatem divino cultui deputatam aliqua transgressione violat, fœdus cum Domino initum non observat. » Antiquitus autem fœdus effusione sanguinis firmabatur. Nos igitur in festis eorum, qui sanguinem sumu pro Christo fuderunt, fœdus quod cum Domino nostro contraximus, toto mentis desiderio confirmemus. Legitur quod quando populus Israel fœdus cum Domino Josue mediante percussit, ipse pergrandem lapidem in sanctuario statuit, quem hujus negotii testem fecit. In sacra Scriptura per lapides plerumque sancti martyres designantur, sicut sequentia declarabunt. Lapis ergo pergrandis in sanctuario Domini erigitur, cum alicuius martyris magni reliquiae in Ecclesia sublimiter exaltantur.

9. Cum igitur hodie recolamus, qualiter lapis grandis in sanctuario sit erectus, id est Thomas martyr gloriosus de tumulo elevatus, ad hunc lapidem cordis dirigamus intellectum, et desigere studemus in eo nostræ mentis affectum, ut devotionis nostræ testis esse possit et velit. De his autem, qui sinceris mentibus Deum colunt, dicitur consequenter : « Adducam eos in montem sanctum meum et lœtificabo eos in domo orationis mee, holocausta eorum et victimæ eorum placebunt mihi, sicut altare meum. » Quibus verbis primo notatur exemplum, secundo gaudium, tertio suffragium. Quæ tria superius sunt expressa. Sanctorum enim exemplum nos in montem Domini, æternæ scilicet beatitudinis sublimitatem adducit. Exemplum namque, sicut diximus, ad superna tendentibus viam rectam exhibet vice ducis. Unde dicitur per Psalmistam : « Emette lucem tuam et veritatem tuam, ipsa me deduxerunt et adduxerunt in montem sanctum tuum et in tabernacula tua. » Quid rectius lucis nomine, qua Dei gratia figuratur, sine qua nihil lucidum, nihil serenum, sed omnia tenebrosa?

10. Veritas autem est conversatio sancta justorum. Impiorum namque vita vanitas est et mendacium, veritas autem vita bonorum. Unde dicitur per prophetam : « Pacem et veritatem diligite. » Justus quippe pacem cum proximo, veritatem diligit in se ipso. Deducunt namque lux et veritas virum justum, eum in montem et in tabernacula adducentes : quia prævia Dei gratia per sanctorum exempla regnabimus in patria, proficiemus in via. Mons siquidem, in quo civitas ædificatur, ad patriam ; taber-

nacula, quæ sunt viatorum, referuntur ad viam. Spirituale vero gaudium, quod festivitatibus annuis est annexum, exprimitur evidenter, cum subjungitur : « Lœtificabo eos in domo orationis mee. » In holocaustis et victimis, de quibus additur consequenter, sanctorum suffragia denotantur. Victimæ enim et holocausta pro vobis offerimus, cum eorum merita, qui per fidem regna vicerunt, et seipsos in odorem suavitatis ei obtulerunt, pro nobis Domino præsentamus, ut eorum precibus ejus offensam placare possumus.

11. Nunc verbum propheticum ab initio propositionis perscrutemur. « Bibentes inebriabuntur quasi vino, » etc. Frequenter in sancta Scriptura per comeditionem et potum spiritualis lætitia designatur. B Hinc Ecclesiastes ait : « Omnis homo qui comedet bibit et videt bonum de labore suo, hoc donum Dei est. » Bona de laboribus suis videt, qui in sanctis operibus se exercet, et laboris sui fructum constitut præmium sempiternum. De quo scriptum est : « Bonorum operum gloriosus est fructus. » Est autem spirituale gaudium vite laudabilis condimentum. Convenienter enim exsultant, qui laboribus fructuosis et honestis insudant. Hinc apostolus Petrus ait : « Communicantes Christi passionibus gaudete. » Non enim eum exsultare decet, qui passionis imitationem abhorret : « Quia non erit consors Redemptoris in gloria, qui non fuerit consors ejus in pena. » Quia testante Apostolo, qui non compatitur non conregnabit. » Est autem passionis consortium, quia gustantibus amarescit, spirituali lætitia dulcandum. Unde Domino dicitur per prophetam : « Occurristi lœtanti et facienti justitiam. » Dominus enim quasi promptus auxiliator occurrit ei, qui cum gaudio carnem suam cum vitiis et concupiscentiis crucifigunt.

12. Cum ergo comedet homo et bibit, et de labore suo bona percipit, hoc donum Dei est iuxta testimonium Salomonis. Dominus enim solus est, qui mentem afflictam exhilarat, et patientis animum inter tormenta lœtificat. Qualiter autem comedat et bibat, qui bonis operibus vigilanter insistit, sententia quæ præcedit, evidenter aperit et ostendit. Premittitur enim istud : « Cognovi, quod non esset melius, nisi lœtari, et bene facere in vita sua, comedere, et bibere, et collætari. » Idem enim est de laboribus bona videre, quod bene facere in hac vita. Spirituale quoque gaudium notans in Canticis Sponsoris ait : « Comedite, et bibite, et inebriamini, charissimi. » Sicut per cibum et potum spiritualis lætitia, sic per inebriationem abundantia talis lætitia denotatur. Dicat ergo patenter, gaudeant et exsultent quicunque Domino per amicitiam sunt conjoncti. Plenius tamen gaudeant, qui per altiorem charitatis amicitiam ei familiarius appropinquant. Quid tamen admonitionem istam præcedat, sollicite perpendamus. Postquam enim dixerat, messui myrram meam cum aromatibus meis, comedì favum cum melle meo, bibi vinum cum lacte meo, conse-

quenter amicos ut comedant, charissimos autem ut
inebrientur, invitat.

13. In horto suo Dominus cum aromatibus myrrham metit, cum in Ecclesia recipit corporum disciplinam bonorum operum admistione conditam. Melis nomine contemplatio figuratur. Et rei convenit haec figura, cum sit mellifluus supernorum aspectus. Contemplationem melli contulit, qui ait : « Sicut qui mel multum comedit, non est ei bonum, ita perscrutator majestatis comprimetur a gloria. » Favus est dulcedo mentis interna, contemplationi supernorum adjuncta. Favum ergo cum melle suo comedit dominus, quia gratum est ei contemplationis obsequium, cum dilectione cordis oblatum. Mordax est vinum et vulnerum corporis curativum. Unde per vinum compunctio figuratur. Quae cum sit intus pungitiva, spiritualium vulnerum est medela. Per lac, quo simplices et parvuli nutriuntur, cordis simplicitas intelligitur. Gratauerit ergo cum lacte Dominus vinum bibit, quia dolorem illum acceptat, quem ei cordis simplicitas recommendat.

14. Post ita premissa sequitur competenter : « Comedite, amici, » etc. Decenter enim exsultant, qui talibus obsequiis Deum placant. Quoniam autem inebriatio, sicut diximus, spiritualis letitiae nota abundantiam, recte qui Dominum in sanctorum memoria venerantur, inebriandi dicuntur, ut aperte notetur, quod sancti letitiae debeant abundare. Notandum autem, quod nobis ebrietatis animum, quem exhibilat, a temporalibus alienat. Unde scriptum est : « Qui inebriat, ipse quoque inebriabitur. » Qui enim aliorum animos exhortatione salutis separat a terrenis, ipsius animus avelletur ab eis, ejus operante clementia, qui in fortitudine vincitos educit. Unde Dominus per prophetam ait : « Si convertens convertam ad te, et ante faciem meam stabis. Et si separaveris preciosum a vili, quasi os meum eris. » Hinc etiam per eundem prophetam dicitur : « Factus sum quasi vir ebrius, et quasi homo madidus a vino, a facie Domini et a facie verborum sanctorum ejus. » Inebriat intentem facies Creatoris, quia contemplantis animum a transitorii rebus eripit, ad bona sempiterna deducit. Inebriat etiam auditores divini sermonis auditus, quia terrenorum amorem verba sancta depascunt, et desiderium aeternorum accidunt. Unde vivis carbonibus comparantur, qui cibaria, paleamque consumunt. Spiritualis autem letitiae, sicut ebrietatis mentem supernis inserit, a terrenis avertit. Inebriantur hoc modo, qui nostram matrem venerantur, ut coelestibus intendentes fugitiva bona despiciant, et permanentia concupiscant.

15. Rursum ebrietas doloris sensum adimit, adeo quod ebrius etiam cum dolenda sustinet, hilarescit; unde vocem ebrii vir sapiens ita format : « Verberaverunt me, et non dolui, traxerunt me, sed non sensi. » Hinc etiam Jeremias sub persona carnalis hominis loquens ait : « Inebriavit me absynthio. » Cujus verbi sensum aperiens beatus Gregorius sic exponit : « Ebrius quod patitur nescit. » Absynthio

Aebrius est, qui amaritudines mundi tolerat, et tamen quid patitur, ignorat. Fuerunt ergo tanquam ebrii bellatores Ecclesiae primitivæ, qui cum interna letitia corporum tormenta vicerunt, et juxta verbum Apostoli : « Rapinas bonorum suorum cum gaudio suscepserunt. » Spiritualis autem jucunditas, similiiter ut ebrietas tristitiae sensum tollit; et mentibus persecutione pulsatis, hilaritatem sanctam infundit.

16. Qualis autem exsultatio sanctorum festivitatem debet comitari, declaravit Psalmista cum ait : « Exsultationes Dei in gutture eorum et gladii ancipes in manibus eorum. » Humani generis inimicus illis considerenter tendit insidias, quos sæculi gaudiis inventi irretitos. Profundius enim in frumenta sua discutit dolens animus, quam exsultans. Nisi namque tentator callidus tempus letitiae temptationi congruere cognovisset, nequaquam filii et filiabus Job in domo primogeniti fratris sui vescentibus, ipse concussis angulis domus totam beati viri progeniem exsuxisset. Quoniam igitur plerunque, sicut diximus, mentem in temptationis laqueos exsultationis aditus introducit, valde necessarium est, ut dum exsultatio guttur occupat, manus gladium apprehendat. Illum, inquam, gladium, quem Apostolus nominat, Dei Verbum. Opus autem est, ut gladius in manu portetur, quia parum est Dei verbum in corde versari, nisi quis illud studeat operibus implere. Manus igitur gladium apprehendat, ut quod corde sentitur, bonorum operum testimonio confirmetur. Unde beatus Job ait : « Arcus meus in manu mea instaurabitur. » Arcus instauratur in manu, cum instrumentum pugnae coelestis, de quo jacula mittuntur in hostes, bonæ conversationis adjutorio roboratur.

17. Præsens igitur festivitas, sic letitiae recipiat blandimentum, ut severitatem gladii non excludat. Quod etiam letitiae debet esse festivitatibus sanctorum annexa, manifeste demonstrat quod dicitur per Psalmistam : « Servite Domino in timore, et exsultate ei cum tremore. » Cum timore serviendum est Domino, quia sic exsultatio timore debet acui, sicut timor exultatione condiri. Decet enim, ut si servitii spiritualis occasio sæcularem letitiam introducat, timoris magisterium eam premat, ut in refectione sacra dulcedinis simul et acriminis serviat condimentum. Quod etiam alibi monstravit aperte Psalmista, cum ait : « Deduc me, Domine, in via tua, ingrediar in veritate tua, letetur cor meum, ut timeat nomen tuum. » Per viam Domini ambulat, qui sapienter ei ministrat. Ministrans autem Domini veritatem ingreditur, cum ejus ministerium ad coelestia retorquetur. Ministerii vero modus aperitur, cum dicitur : « Letetur cor meum, ut timeat nomen tuum. »

18. Eleganter expressit, qualiter in obsequio Domini sit gaudendum, qui letari petuit, ut timerent. Talis enim debet esse letitiae, ut timorem Domini nullatenus minuat, et talis esse timoris custodia, quæ spiritualem letitiam non excludat. Unde postquam Psalmista præmisserat : « Servite Domino in

tinore, » recle suo jungit : « Et exultate ei cum tremore. » Cum enim Ecclesiae filios oporteat salutem suam cum timore et tremore, sicut dicit Apostolus, operari; necesse est, ut cum exultatio foris adest, ejus ingressum timor interius moderetur, ne tota veniens ad cor intret, et ad immoderatum ejus ingressum infirmatio suffocetur. Hoc autem periculum timor et tremor excludant, videlicet ut mens mala quæ possunt accidere, sollicite pertimescat, et corpus mentis obsequio se reverenter addicat.

19. Sequitur : « Replebuntur ut phialæ, et quasi cornua altaris. » Per phalias et altaris cornua, nobis est insinuata justitiae duplex forma, variis considerationibus observanda. Sancta namque conversatio, ut ita dixerim, nunc ab angusto tendit in latum, phialæ figuram exprimens, quæ fundum habet angustum, sed patulum os et amplum; et dum in altum ascendit, paulatim in latitudinem se diffundit. Ita justitia, dum proficit, paulatim incrementum suscipit, et in bonis operibus dilatatur. Interdum autem sanctitas progreditur in acutum, sicut altaris cornua sumunt initium a latitudine, sed deinceps se coarctant, itaque in acuminem terminantur.

20. Assimilatur his cornibus justitia consummata, quæ cum perfectionem fuerit assecuta, per humilitatis modestiam se constringit, cum in meritorum excellentia prius fuerit dilatata. Attendit enim Verbum Sapientis viri dicentis : « Quanto magna est potentia Dei solius, et ab humilibus honoratur. » Hac consideratione vir justus, quanto magis in perfectionem se erigit, tanto per humilitatem amplius se substernit, ne superba de se sentiat, et per præsumptionem præcipitatus corruat, aut per inanem gloriam evanescat.

21. Qualiter justitia proficiens dilatetur, Salomon daret dicens : « Justorum semita quasi lux splendens procedit, et crescit usque ad perfectum diem. » Justitia namque cum incipit, primo tenui luce clarescit. Sed cum perfectionem attigerit, claritatis eius radios circumquaque diffundit. Hinc per Psalmistam dicitur : « Viam mandatorum tuorum curre, cum dilatasti cor meum. » Et iterum : Et ambulabam in latitudine, quia mandata tua exquisivi. » Hinc etiam in Proverbiis ad Filium Pater ait : « Viam justitiae monstrabo tibi, ducam te per semitas æquitatis, quas cum ingressus fueris, non arctabuntur gressus tui, et currens non habebis offendiculum. » Justitia namque festinans ad præmium, nec angustia coarctatur, nec offendiculo præpeditur, quia Dominus ei contraria dissipat, et ejus impedimenta complanat. Hinc etiam cum profectus David Scriptura sacra describeret, ait : « David proficiens, et semper se ipso robustior erat, domus autem Saul decrescens quotidie. » Justus enim per incrementa meritorum ascendet, injustus autem per malorum operum decrementa decrescit.

22. Qui autem profectui virtutum insistit, quasi semetipsum proficiendo transcendent. Carnis enim corruptelam deserit, et spirituale fastigium potenter

accingit. Nonne super semetipsum excreverat is, qui ait : « Vivo ego, jam non ego, vivit autem in me Christus? » Nonne super se ascendere videbatur, cum dicebat : « Quæ retro sunt obliviscens, ad ea quæ sunt priora me ipsum extendo? Quod de virtutis incremento prædictimus, videlicet, quod justitia proficiens dilatatur, fuit evidenter in templi fabrica figuratum. Superius namque tabulatum in tempore majorem latitudinem obtinebat, inferius vero minorem. Nam infimum tabulatum quinque cubitos latitudinis habuit, medium vero sex, superius autem septem.

23. Tabulata, quibus templi parietes decorantur, sunt fideles Ecclesiarum, qui eam vestiunt et ornant, sicut dicitur ei per prophetam : « Vivo ego, dicit Dominus, quia omnibus his velut ornamento vestieris, et circumdabit tibi eos quasi sponsa. » Bene autem tabulata viros Catholicos indicant, quorum corda charitas dilatavit, disciplina cœlestis excidit, simplicitas complanavit. Hunc sensui bene congruit, quod tabulata fuerunt in superioribus latiora, quia fidelium mentes ad temporalia se constringunt, et ad cœlestia se expandunt. Similiter autem templum, quod Ezechieli fuit ostensem, superius suis latius perhibetur. Qui autem templi nomine figurentur, docet ille qui ait : « Nescitis quia templum Dei estis? » Et si suave videtur hoc verbum, pongitur est valde quod sequitur : « Si quis templum Dei violaverit, disperdet illum Deus. »

24. De templo etiam superius memorato legitur audisse propheta : « Tu autem, fili hominis, ostende domini Israel templum, ut confundantur ab iniuriantibus suis Confundantur namque salubriter peccatores cum eis proponitur in exemplum vita justorum. In hoc enim speculo maculas suas agnoscent, et eas lacrymando dituunt, et poenitentiae lamenta abstergunt. Eleganter autem hoc templum superius fuisse latius memoratur, quia, sicut diximus, corda justorum coarctantur in infinito, et dilatantur in summis. Sunt enim corda bonorum thuribulo valde similia, quod cum sit clausum inferius, superius est apertum. Secundum hanc similitudinem pia mentes ad terrena se claudunt, et aperiunt ad superna. Hoc quia in Apocalypsi legitur, Angelum tenuisse thuribulum, quod sanctorum orationibus erat plenum. Illorum namque cordium angeli sunt custodes, de quibus orationum summus ascendit, quarum odore Dominus demulcetur, et suavitate placatur.

25. Nunc Scripturæ testimoniis ostendamus, quomodo perfecta justitia, cum consummata fuerit, se constringit, et quæ dilatatur in imo, quomodo coarctatur in summo. Quod arca Noe figuravit expresse : scilicet eam superius unus cubitus consummavit. Quid per arcam Noe melius, quam Ecclesia figuratur, quæ sinu mentis expanso Spiritus sancti statum accipit, cuius impulsu sæculi fluctus secat, et ad vitæ portum tota cordis intentione festinat? Hæc dilatatur in imo, et coarctatur in summo, quia quæ latitudinem et longitudinem inferius habuit,

postquam in virtutis exercitio se diffudit, dum retributionem supernam attendit, opera sua despicit, et ea tanquam modica perpendit, sub humilitatis custodia se comprimit, et inflationem noxiā virtutis pede restringit. Haec esse sollicite facienda Salvator ostendit, qui discipulis suis ait : « Cum omnia bene feceritis, semper dicatis : Servi inutiles sumus. » Qui omnia bene facit in bonis operibus se dilatat. Sed qui postea se servum inutilem reputat, per humilitatis modestiam se coarctat. Hinc rursus ad sponsam in Canticis sponsus ait : « Venter tuus sicut acervus tritici, vallatus liliis. »

26. Plerumque ventris nomine mens significatur, eo quod cogitationes in mente sicut cibaria digeruntur in ventre. Unde dicitur per prophetam : « Ventrem meum doleo, ventrem meum doleo. » Quem autem dolorem plangeret, mox aperuit, cum subjunxit : « Sensus cordis mei turbati sunt. » Fuit ergo prophetae plangenti mentis tribulatio dolor ventris. Hinc etiam de impi scriptum est : « Uterus ejus preparat dolos. » Constat autem, quod carnis uterus dolos preparare non potest, sed uterus dolos preparans est animus fraudis machinamenta pertractans. Venter itaque, sponsae signanter, acervo tritici comparatur, qui cum sit latus in imo, tamen est angustus in summo. Quia fidelis anima prius in honorum operum exercitio se diffundit, demum post contemplationem cœlestium in se reddit, et per humilitatem, ut diximus, se constringit.

27. Bene autem acervo tritici comparatur, quia, palea vanitatis excussa, meditationis sacre thesaurum, quasi grana tritici in horreo conscientiae congregat et servat. Hic autem acervus liliis dicitur esse vallatus, quia fidelis animus undique munditia castitatis est cinctus. Nec solum lilio, sed liliis valori dicitur, quia veræ castitatis genitus est effectus; videlicet, ut et cor complectatur et corpus. Unde per byssum retortam et duos turtures figuratur in lege. Præmissis consonat, quod Sapientia de se dicit : « Ego quasi cypressus in monte Sion. » Intelligitur autem hoc verbum, sicut de capite, sic de membris, ut una sit vox capitum et membrorum. Cypressus pulcherrimam comam habet, cuius summa surgit in comam. Est ergo vir justus quasi cypressus, quia coma pulcherrima est conversatio speciosa. Dicitur autem esse quasi cypressus in monte Sion, quoniam in contemplationis vertice constitutus cœlestium consideratione se premit, et dum intra mentis se sinum colligit, sub humilitatis custodia se constringit.

28. Mundanus autem usus hujus rei manifestum ostendit exemplum. Nam et avis domestica, aliis avibus capiendis assueta, se premit, cum prædam conspicit, quam ardenter appetit, et ad quam dirigendam sese sentit. Quis ergo miretur, si mens in humilitate se comprimit, dum prædam beatitudinis considerat, ad quam inhianter aspirat? Per phialas igitur et altaris cornua, sicut diximus, figurantur viri spirituales, divini prælii bellatores, et virtutum

A ornamentis instructi, tanquam armatura cœlesti. Dicuntur autem phialæ a phialni, quod est vitrum in Græco, quia proprie vasa vitrea vocantur vasa phialæ. Unde de luxuriose libentibus dicitur per prophetam : « Bibentes in phialis vinum. » Luxuria namque non sufficit ut gustui placeat vini sapor, nisi visum quoque demulcat ejus color. Unde Salomon in Proverbis cohære volens luxuriam istam, ait : « Ne intuearis vinum, quando flavescit, et cum splenderet in vitro color ejus. » Quod autem periculum sit annexum consequenter ostendit : « Ingreditur blande et in novissimo mordebit, ut coluber, et quasi regulus venena diffundet. » Regulus aves volantes inficit, coluber autem latibula querit et colit. Bene ergo vinum colubro comparatur et regulo. Colubro, quia libidinem provocat, cujus turpitudine querit abscondi. Regulo vero, quia vinum inmoderate sumptuum viros magnos interdum enerat, qui duabus alis, abundantia scilicet et potentia, volare poterant ad superna, si recte dirigerent iter suum.

29. Licet autem phialæ dicantur vasa vitrea, phialæ tamen erant aureæ, quæ jubente Domino fuerant in tabernaculo præparatae. Hoc autem bene congruit viris justis, ut sint quasi vitrei, et tamen in veritate sint aurei. Videlicet ut sint quasi debiles, tamen vere sint fortes. Tales voluit esse justos, qui sicut dictum est supra, discipulis suis ait : « Cum omnia bene feceritis, semper dicatis : servi inutiles sumus. » Fortis est utique, qui omnia bene facit, sed debilem se reputat, qui inutilem servum se vocat. Nonne vas aureum fuit ille, qui plus omnibus laboravit, tamen quasi vas vitreum se exhibuit, qui se nec dignum apostolatus nomine judicavit? In hoc autem vitri similitudinem habeant viri justi, ut solis radium et claritatis lucem admittant, venti tamen flatum excludant, videlicet ut gratiam recipient, sed noxiæ tentationi resistant. Sunt autem phialæ oblationi libaminum reputatae. Spirituales ergo viri replentur ut phiale, si sacrarum cogitationum et piarum intentionum oblationibus cum honorum operum studiis copiose redundant. Sciendum tamen quod liquida libamina dicebantur. Decet autem quod liquidæ sint oblationes justorum. Quod utique fiet, si per devotionis ardorem animus liquefiat. Unde dicitur per Psalmistam : « Effundo in conspectu tuo orationem meam. » Effundi potest oratio, si fuerit lacrymosa, sed nequaquam effunditur, si per cordis duritiam fuerit congelata. Dicebantur etiam libamina, quia ministri degustando probabant, utrum essent ad offerendum idonea. Sic Domino ministrantes cogitationes suas et intentiones debent quasi gustando discutere, ne quid in eis occurrat, quod Domino debeat displicere.

30. Replentur etiam ut altaris cornua viri sancti. Super altaris cornua sanguis hostiæ ponebatur, unde et eo repleri dicuntur. Haec igitur solemnia celebrantes velut altaris cornua sanguinis aspersione replentur, quia martyrem venerantes passionis ejus

memoria imbuuntur. Illorum autem mentes memoria martyris imbuuit, quorum conversatio fortitudinis ejus formam in se ostendit. Imitantur enim martyrem, quibus licet non sit datum pati pro Christo, pro ejus tamen amore labentia cuncta despiciunt, carnem affligunt, et ad promerenda cœlestia se potenter accingunt.

31. Nobis itaque, qui speciali martyris protectione gaudemus, præcipue congruit, ut nos in ejus obsequio specialiter affligamus, dicente Scriptura : « Qui transvert lapides affligetur in eis. » Lapidum nomine martyres figurari sequentia declarabunt. Lapidés ergo transferunt, qui translationi martyrum obsequia suæ devotionis impendunt. Qui scilicet eorum reliquias de locis humilibus elevant, ut sublimius et solemnius cum debita veneratione reponant. Nos igitur lapidem pretiosum transtulimus, cum translationi martyris obsequium quale potuimus, exhibere curavimus. Ut itaque supra positum scripturæ verbum impleatur in nobis, ob venerationem ipsius, qui se pro Domino hostiam obtulit, carni nostram Domino viventein hostiam immolemus, ut a nobis concupiscentias noxias et prava desideria resecemus. Sic itaque Domino largiente servitutis nostræ mysterium impleamus, ut pro modulo suo capitum membra respondeant, et Patrem Filii pro viribus studeant imitari.

32. De viris quoque justis additur consequenter in verbo prophetico, quod suscepimus exponendum : « Salvavit eos quasi gregem populi sui. » Illum namque populum Dominus elegit ad salutem, qui cum ratione vigeat, per quamdam tamen similitudinem se gregi conformat. Decet enim, ut fideles Dominum servientes per sapientiam et discretionem sint populus, per mansuetudinem et simplicitatem sint greci. Unde dicitur per Psalmistam : « Nos populus et oves pascuæ tue. » Populus sunt et oves, qui sunt prudentes ut homines, et simplices velut oves. Hinc iterum per Psalmistam dicitur : « Qui deducis velut ovem Joseph. » Vir justus per vias rectas deducitur ad superna, cum in bonis operibus proficit quasi Joseph; Joseph enim interpretatur *augmentum*. Et tamen ut ovis nec simplicitatem deserit, nec mansuetudinem derelinquit, viri sancti Creatori dedicati taliter ad patriam deducuntur, quia profectui vigilanter insistunt, pastoriisque suo simpliciter et humiliter acquiescunt. Unde religionis eminentiam bene significat turris gregis, de qua legitur in Scriptura. Per gregem enim humilitas, per turrim altitudo significatur. Quid est igitur turris gregis, nisi sublimis humilitas, aut humilius altitudo? Quarum utramque status religionis observat, quia sublimitas est in opere laborantis, et humilitas in aestimatione laboris. Unde Balaam castra filiorum Israel videns ait : « Quam pulchra tabernacula tua Jacob, et tentoria tua Israel, quasi valles nemorosa! » Per castra filiorum Israel religionis acies figurantur, quæ vallis nemorosis egregie comparantur, quia vallis est humilius, nemus altus. Quid est igitur vallis nemorosa, nisi depressa

A sublimitas, aut humilitas exaltata? Quam conversationis formam religiosi bene conservant, quia sunt in cordibus suis humiles et in operibus suis excellentes.

33. Sequitur in verbo prophetico : « Salvavit eos Dominus Deus eorum, quia lapides sancti eleveruntur super terram ejus. » Salutem ergo fidem operatur sanctorum lapidum elevatio super terram. Quod lapidum nomine sancti martyres designantur, qui solidi fuerunt in consania, fortes in justitia, duri contra tormenta, testatur ille qui ait : « Quos imbre montium rigant, et non habentes velamen amplexantur lapides. » Montium imbre rigant, quæ viri tam scientia, quam vita sublimes verbis pariter et exemplis informant. Velamine autem carent, quæ honorum operum ornamenta non habent. Sunt namque virtutum opera quasi vestes, quibus anima decenter ornatur, et pudendorum actuum fuditur operatur, ne a superbo judice videatur. Unde scriptum : « Beatus qui custodit vestimenta sua, ne nudus ambulet; » et Apostolus Corinthi scribens ait : « Scimus quoniam si terrestris domus nostra bujus habitationis dissolvatur, dominum non manu factam habemus in cœlis. » Et paulo post addit : « Si tamen vestiti, et non nudi inveniamur. » Dicitur namque vestitus ad regna, sed nudus ejicitur ad tormenta. Hinc iterum scriptum est : « Nonne vestimenta calida sunt, cum perflata fuerit terra austro? » Austria terra perflatur, cum Spiritus sancti gratia replete. Unde sponsus ait in Canticis : « Surge aquilo, veni auster, perfla hortum meum et fluent aromata illæ. » Rectissime potest dici hortus Domini quies claustrum, in quo doctrina cœlestis inseritur, sancta conversationis propagatur, vitiorum frutices succiduntur. Dominus igitur est rogandus, ut ab horto suo flatus aquilonis excludat, ut ad eum libere flatus australis accedat, quia claustralibus incumbit orare, quæ Dominus inimici insidias repellat ab eis, et Spiritum sanctum requiescere faciat super eos. Facit autem aromata fluere flatus austri, id est Spiritus sancti gratia procurante per landabilis fana præmium ad eos, qui foris sunt, odorifera claustralium opera derivantur, quatenus exempla justorum confundant, impios autem convertant. Est itaque Spiritus sanctus auster et ejus inspiratio flatus austri. Opera vero bona, sicut diximus, per vestimenta signantur. Facit itaque vestimenta calida flatus austri, quia virtutum opera reddit devotione ferventia cœlestis inspiratio cor illuminans et inflammans, quoniam ab auctro veniunt lux et calor. Quos igitur montium imbre rigant, et non habentes velamen lapides amplexantur, quia peccatorum sarcina prægravati, conseruent doctrinis salubribus eruditæ, vel propria clementate compulsi, martyrum reliquias venerantur, et eorum nuditas sanctorum intercessione tegatur.

34. Rursus de lapidibus istis scriptum est : « In præruptis silicibus aquila commoratur. » Per aquilam vir contemplativus intelligitur, qui suæ mens intuitum justitiae in sole desigit, qui sublimia vo-

Lindo penetrans, considerationi supernorum inten-
dit. « Præruptum autem est, ut dicit beatus Grego-
rius, cuius pars cecidit, pars subsistit. » Præruptis
ergo silicibus recte martyres comparantur, quorum
corpora per martyrium ceciderunt, spiritus autem in
cœlestibus requiescant, et sicut de viris sanctis ca-
nuntur, residentes terra corpora, beatas cœlo animas
intulerunt. In præruptis ergo silicibus aquila com-
moratur, quia contemplativi martyrum obsequio
deputati in eorum memoria requiescant, et eorum
venerationi et limitationi se totos impendunt. Alioquin
nequaquam in silicibus commoratur aquila, nisi
martyribus servientes, tam mente quam corpore
servitutis sua debitum studeant exhibere. Nequaquam
commoratur in silice, qui psallit aut cantat coram
martyre, mens autem ejus vagatur exterius in sæculi
vanitate.

35. Sunt ergo lapides sancti, sicut ostendimus,
martyres Jesu Christi. Super terram ergo sancti
lapides elevantur, cum reliquiae martyrum de tu-
mulis transferuntur. Notandum autem, quod non
tantum super terram ejus sancti lapides elevandi
dicuntur, quia sanctorum reliquiae non solum su-
perius elevantur, sed in Ecclesia, quæ terra Domini
appellatur, eorum elevatio reverenter impicitur. Ex
hoc salutem Dei populo provenientem sermo pro-
pheticus, quem prosecuti sumus ostendit. Speremus
igitur et nos, quod martyris nostri translatio, quam
solemniter celebramus, nobis in presenti veniam
peccatorum, et salutem perpetuam nobis apud Do-
minum obtinebit percipiendam post hujus vitæ
decursum. Roboraverunt autem valide spei istam
quædam signa, quæ misericordia Dei vobis ostendit, quando translatio facta fuit. Provisum namque
fuerat ab his, qui martyrem transtulerunt, ut feria
tertia transferretur, quia feria tertia passus fuit, ut
talis dies ejus gloriæ deserviret, qualis ejus passioni
ministerium suum impedit. Sed in Christo testa-
musr præter humanam providentiam accidisse, Dei
gratia taliter procurante, quod anno quinquagesimo
passionis ipsins, venerabile corpus ejus gloriam
translationis accepit. Quid autem nobis per istum
insinuator eventum? Quinquagenarii nobis virtus
indicat, quem remissionis numerum esse constat,
quod nullus sacræ paginæ lector ignorat. Ex hoc
igitur quod anno quinquagesimo transferri voluit,
spem certam nobis tribuit, quod nisi per nos steterit,
remissionis nobis gratiam obtinebit.

36. Aliud autem accidit, quod humana deliberatio
nullatenus ordinavit. Bissextilis siquidem fuit annus
translationis, in quo est plenus dierum numerus
et perfectus, ut ex hoc eventu speremus, quod martyris
intercessio dies nostros in presenti complebit
in bono, et perducet nos ad dierum plenitudinem in
futuro.

37. Contigit et illud memorabile, quod ad martyris gloriæ procurante Domino creditur accidisse.
Martyr enim fuit ea die de terra translatus, qua
rex Henricus, cuius tempore passus est, fuit in terra

A sepultus, ut impleretur hoc modo quod legitur in
Scriptura: « Mons cadens defluit, et saxum de loco
suo transfertur. » Montes sunt, qui terram plenam
altitudine sua transcendunt, et in sublimitate cacum-
men suum attollunt. Montes itaque sunt reges et
principes, qui terrarum dominium obtinent, et subli-
miores sunt ceteris eminentia potestatis. Mons
ergo magnus cecidit, cum regem mortuum sinus
terræ suscepit. Deflente igitur monte saxum est
de loco suo translatum, quia regis corpore in terra
deposito, martyris corpus est honorifice sublevatum.
Miracula quoque varia translationis tempore martyr
fecit, per quæ favorem suum translationem exse-
quentibus et venerantibus adesse monstravit.

38. Ad translationis corporis beatissimi Thomæ
meritis gloriam declarandam, parabolam evangeli-
cam ad memoriam revocemus: « Nemo lucernam
accedit, et in abscondito ponit, neque sub modio,
sed super candelabrum, ut qui ingrediuntur lumen
videant. » Quod beatus martyr, cuius solemnia cele-
bramus, lucerna fuerit ardens et lucens, cœlum et
terra testantur. Ardens, inquam, sanctitatis exem-
pto, lucens documento salutifero. Dominus hanc
lucernam accedit, cum electum suum in apicem
eximiae prelationis erexit. Hanc etiam lucernam
emunxit, cum martyrem suum exsilio diuturno, con-
tumeliis, damnis et injuriis innumeris affligi permi-
sit. Fuit enim hæc tribulationum immensitas tan-
quam emuncitorum hujus lucernæ, quia quod beatus
vir purgandum habuit, fornacis hujus flamma con-
sumpsit. Dominus hanc lucernam extinxit, cum
servum suum martyrio consummavit. Sed dum cor-
poraliter eam extinxit, spiritualiter eam magis ac-
cedit, quia sanctitatis ejus titulum post mortem
ipsius crebris miraculorum testimoniis illustravit.
Lucernam ergo suam Dominus nequaquam abscon-
dit, quia martyris sui gloriam virtutum assertione
monstravit. Aliquandiu tamen sub modio latuit hæc
lucerna, sed eam Dominus opportuno tempore reve-
lavit. Cum mensura quædam modius appellatur,
recte per modium potest tumulus designari, qui se
mortuo commensurat, et se corpori tumulando con-
format. Sicut autem modio mensuratur annona, quæ
indigentibus erogatur, sic de tumba martyris largi-
tas divini munera sæpe provenit inscrinis. Latuit
igitur lucerna sub modio, quandiu martyr requievit
in tumulo. Sed eam de latebris nunc eductam supra
candelabrum Dominus exaltavit, quia martyris reli-
quias de tumulo reverenter assumptas in loculo pre-
tioso martyris usibus deputato sublimiter collocavit.
Capsam enim martyris quid rectius dixerim quam
candelabrum luminis, quæ lumen illud egregium,
quod ad se tam corde, quam corpore venientes illu-
minat, intuentibus repräsentat? Ad hanc ergo lucer-
nam, charissimi, totis mentibus accedamus, et ei vitæ
nostræ maculas præsentemus, quia ut dicit Aposto-
lus: « Omnia quæ arguuntur, a lumine manifestan-
tur. » Si igitur ad claritatem hujus luminis acceda-
mus, malum quod in nobis prius videre nequivimus,

eius beneficio cognoscimus. Ad memoriam revo-
mus quod in Evangelio scriptum est: « Omnis qui
male agit, odit lucem, et non venit ad lucem, ne
arguantur opera ejus. » Fugiamus tamen istud exem-
plum, et quod sequitur imitemur: « Qui autem facit
veritatem, venit ad lucem, ut manifestentur opera
ejus, quia in Deo sunt facta. »

39. Rursum, ut translationis fructum et gloriam plenius indicemus, illud Scripturæ testimonium attendamus: « Homo sanctus in sapientia manet sicut sol, stultus ut luna mutatur. » Sapiens, in Proverbiis notificans stultum, ait: « Stultus transilit et confudit. » Stultus enim est, qui mandata transgreditur, et tamen sibi de impunitate blanditur. Specialiter autem stultus est, evangelica veritate testante, qui super arenam redificat domum suam. Arena est temporalis abundantia, quia sterilis est et gravis. Sterilis Salomone dicente: « Qui amat divitias, frumentum non capiet ex eis. » Gravis, Apostolo teste, qui ait: « Qui divites volunt fieri incident in desideria multa, inutilia, et nociva, quæ mergunt hominem in interitum et perditionem. » Ille etiam Salomon ait: « Vidi cuncta, quæ sunt sub sole, et ecce univer-
Bs vanitas, afflictio spiritus. Vanitas sterilitatem indicat, afflictio spiritus gravitatem. Stultus ergo super arenam redificat dominum suam, quia terrenorum amator figit in temporalibus desideriis mentem suam. Illic autem ut luna mutatur. Cum mundana mutabilitas lunæ nomine designetur, bene stultus dicitur ut luna mutari, quia mundanam vicissitudinem imitatur, quem extollunt prospera, frangunt adversa. Homo vere sanctus in sapientia manet ut aol. Justum est, ut Domino servientes omnes sint sancti. Unde Moysi dictum est: « Loquere ad omnem cœtum filiorum Israel, et dices ad eos: Sancti estote, quia ego sanctus sum, Dominus Deus vester. » Specialiter tamen sancti sunt, qui contemplationi cœlestium sunt addicti. « Sanctus enim, ut ait Beda, Græce dicitur ἅγιος agios, quod sonat, extra terram. Sancti ergo sunt, qui a temporalibus separati in cœlestibus conversantur. Unde dicitur per Prophetam: « Sanctus Israel Domino primitiae frugum ejus. » Sicut interpretatio nominis indicat, Israel est supernorum inspector et cœlestium contemplator. Sunt autem primitiae frugum in agro Domini, qui cœlestibus sunt intenti, quia superna ferventius concupiscunt, quanto sæpius eorum consideratione se pascunt. Est autem sanctus homo ut sol, qui calidus est, et servet animo, lucet exemplo. Manet autem in sapientia sanctus, sed eam cito describit homo stultus, si interdum eam assumit. Unde scriptum est: « Quoniam aspera nimium est sapientia indoctis hominibus et non permanebit in

A illa excors. » Econtratio dicitur viro isti: « la omni animo tuo accede ad illam, et in omni virtute tua serva vias ejus. Investiga illam, manifestabitor tibi, et continens factus ne derelinquas eam. » Quod homo sanctus beatus martyr fuerit, Dominus ipse patenter ostendit. Quem amaritudine pressurum a dulcedine temporalium ablactatum Dominus ad mensæ suæ delicias invitavit, et ei beatitudinem, ad quam aspirare debuit, patefecit. In sapientia vero mansit, quia dum vixit, fideliter Deo servivit; nō vissime vero pro eo vitam suam impendit. Fui autem ut sol, qui sanguinis sui radiis sanctam Ecclesiam illustravit.

40. Elevationem igitur hujus solis solemniter veneramur, cum translationem hujus martyris auctoritatis celebramus. Quod igitur scriptum est servorum ejus congregatio diligenter attendat: « Elevatus est sol, et luna stetit in ordine suo. » Luna lu-men trahens a sole est hæc congregatio, quæ ab exemplo martyris vivendi formam assumit. Luna igitur in ordine suo stet, quoniam elevatus est sol, id est martyri servientes ab ordinis sui regula non declinent. Sed patronum suum in sublimi possum coram oculis suis videant, et eum in bonis operibus adjutorem considerenter exspectent. Qualiter autem ad observantium ordinis proposit sublimitas solis, colligitur ex subjectis. Sol enim elevatus in altum, ministrat abundantiam luninis et caloris. Speramus itaque quod sol noster de tuculo elevatus servis suis lumen tribuet, quod ab eis tenebras ignorantiae nocivæ repellat, calorem etiam conseruat, quæ mentes eorum ad amorem divini cultus accendet. Faciet etiam abundantia luminis, quod servetur honestas, et quæ turpidinem, si fieret, revelaret. Unde nihil sustinet in honestum. Abundantia vero caloris efficit, ut secundum ordinem cuncta fiat. In his autem duobus religionis summa consistit, ut ab his, qui religione colla supponunt, juxta verbum Apostoli, honeste et secundum ordinem cuncta fiat. Sol item elevatus in altum attrahit guttas mari. Unde sol justitiae de se dicit: « Ego si exaltatus fuero a terra, omnia traham ad me ipsum. » Tarnquam sol, qui mundum illuminat, de se dicit: « Ego cum elevatus fuero super terram, attraham innumeris maris guttas. » Prodest itaque viris iustis gloria translationis, quia solis elevatio lunam in ordine suo servat. Prodest et peccatoribus hujus mundi, quia sol cum fuerit elevatus, guttas al-trahet aquæ salsaæ, quibus peccatores rectissime comparantur, tum propter brevitatem et saltem vitæ mortalitatem, tum propter amaritudinem peccatorum.

XIV.

TRACTATUS DE PROMISSIONE BEATI THOMÆ MARTYRIS,

VIDELICET

Quod talis esset sibi successurus, qui ecclesiæ Pontiniacensi recompensaret pro liberalitatibus sibi tempore sui exsilio impensis

1. Qui gubernationem hujusmodi Deo attribuunt, recte sentiunt, quia nec solium quod vento rapitur, ejus excedit potentiam; nec ipse ventus, qui de thesauris ejus producitur, flandi habet potentiam contra ipsius imperium. Quamvis enim homines, utpote animales, quædam hujus mundi opera admirantur, quasi absque gubernatoris magisterio contra rectitudinis ordinem corruptibiliter defluant et excurrant, ut exclamare valeant cum propheta, dicentes: « Quare via impiorum prosperatur, bene est his qui perverse agunt? » tamen nequaquam est perlinaciter asserendum quidquam in hoc mundo fieri, nisi Deo gubernante, aut aliquoties permittente; cum enim ipse sit causa prima et principalis in omnibus super omnia causata fluxu ordinatissimo et serenissimo, certum est quod illa quæ ab ipso causam accipiunt, ad finem bonum rectissime ordinantur.

2. Mala autem incausalia sunt, nec habent rectum ordinem neque finem. In quantum enim a bono deficient; in tantum ad nihil tendunt, et non est in eis nisi privatio boni quod nihil ponit in re, sicut claudatio in homine vel equo nihil ponit nisi privationem recte ambulandi. Quamvis igitur ratio reddi non possit de omnibus, quare hoc vel illud fat, manet tamen apud Deum de omnibus certa cause redditio, nobis quidem occulta, ei autem qui lucem habitat inaccessibilem manifesta. Hinc est quod sacri expositores atque doctores conati sunt per mysticas expositiones et allegoricas significaciones de rebus mirabilibus probabiles reddere rationes, quorum innumerabilia sunt exempla, de quibus uno posito plura possunt intelligi si oportet. Ponamus ergo illius maximi doctoris beati Gregorii unum exemplum, et sit totius sequentis materiae fundamentum. Ait enim super Evangelium beati Joannis, ubi de resurrectione Domini agitur, in hunc modum: « Cum discipulis consternatis fuit nuntiatum Dominum de monumento fuisse sublatum, tunc, inquit, correabant duo simul, et ille alius discipulus præcucurrit citius Petro. » Quid, ait beatus Gregorius, quid, fratres, quid cursus iste significat? ex interrogatione sua volens alicujus significationis magnum elicere argumentum. Huic interrogatori volo aliquid annexere nequaquam pro nostro tempore negligendum. Quamvis enim incuria hominum neglectu suo multa prætereat, quibus optata successibus præbere debuit incrementa, nos tamen ea quæ digna sunt relatu compertimus, ne oblitterari

A valeant, pro parte studiuimus fideliter adnotare. Si quidem colendæ occurrit memorie recolendum, quod beatus Thomas Cantuariensis archieписcopus atque primas exsilium eligens maluit exsulare, quam Cantuariensem Ecclesiam cui præfuit ancillare. Egressus igitur ab Anglia venit Pontiniacum, et ibi sex annis, ut dicitur, exsilio jura perpessus, in visione admonitus, ubi ante aram beati Stephani in contemplatione prostratus, ut laboris sui bravum alternae felicitatis coronam perciperet, redire in Angliam est hortatus. De qua visione sanctus pontifex, et statim martyr post futurus, factus hilarior, ad promissam sibi Victoriae coronam ociosus properavit. Quem fratres ipsius monasterii vultu lugubri, et pene, ut erat, funebri lacrymabiliter subsequentes suppliciter exorabant, ne eos desereret, ne eos ipsos tantæ speci solatio destitueret, ne ipsos tanquam orphanos relinquere, sed apud ipsos vel omnino inaxeret, vel si sic oporteret, quanta posset celeritate rediret. Ad quod pius Pater brevi se sermone absolvit dicens: « Sic fieri oportere, nec divinis iussionibus contraire. » Sed hoc fore sciendum quod graves expensas et largos sumptus, quos monasterium tempore suæ necessitatis præbuerat, aliquis successorum suorum sufficienter recompensaret, quod fratres monasterii illius multæ simplicitatis, tunc quasi intelligere non poterant; sed subsequens res probavit eventus, sicut legitur de discipulis Jesu Christi, ut dicitur: « Haec non cognoverunt discipuli ejus prius; sed posquam resurrexit a mortuis, tunc cognoverunt, et haec fecerunt ei. » Ita verissime non cognoverunt fratres monasterii Pontiniacensis quid beatus Thomas vellet dicere per haec verba; sed postmodum cognoverunt quod de his diceret, sicut in sequentibus apparebit. Eo enim passo et martyrio coronato, et miraculis coruscantibus declarato, quod justam causam fuerat prosecutus, aliis et aliis substitutis, jam excesserat memoriam factum verbum illud martyris ore prolatum, sed congruo tempori reservatum.

3. Post aliquos enim dicti martyris successores tandem in Cantuariensi Ecclesiam institutur per apostolicæ sedis providentiam, magnus ille et famosus doctor Ecclesiæ, videlicet dominus Stephanus de Langetone Romanæ Ecclesiæ cardinalis, qui accepto pallio et litteris ad suum propositum necessariis, nuntiis in Angliam ante præmissis, subsequi properabat. Sed veniens in partes Galliæ, a præmissis nuntiis ad se redeuntibus responsum accepit, quod

rex Angliae pro eo quod alium instituere decreverat, A rex admittere recusabat : super quo licet scepis per apostolicę sedis litteras et legatos rex fuisse admonitus, tamen in suo proposito persistit industratus : sive praeformatum archiepiscopum Stephanum ad Pontiniacense monasterium contigit accedere, ac finem causarum per sex annos instar beati Thomae martyris in exilio exspectare. In tantum enim invaluit regis commotio, quod tota Anglia propter hoc ecclesiastico supposita exstitit interdicto. Quin immo, invalescente contradictionis procolla, plures ex episcopis Anglicanis pro devotione et obedientia de ipso regno oportuit secedere, et ad archipresulem suum se transferre. In cuius rei argumentum unus ex ipsis videlicet Wigorniensis episcopus apud Pontiniacum postmodum est sepultus. Timor autem erat archipresuli ne praeformatum monasterium tantorum praesentia gravaretur, sed gaudium erat fratribus, quod tot et tantos pro causa tam nobili suscipere meruerunt. Postquam vero procellosa tempestas post nubilum conquevit, præfatus antistes cum honore debito vocatur in Angliam, ex quo sibi et sui ortum est gaudium, sibi autem soli magnae sollicitudinis et angustiae incitamentum. Pensabat autem vir prudens largos sumptus sibi et suis exhibitos recompensare ; sed unde tunc temporis compensaret nec habuit, nec unde habere posset de facili non invenit. Quantum ergo ad hoc tristis abiit ! Sed hanc tristitiam postmodum nobili compensatione redemit. Nam, postquam honoris sui plenitudinem est adeptus, quinquaginta marcarum redditus Pontiniaciensi monasterio in perpetuum delegavit. Tunc credebatur impletum quod a beato Thoma, ut superius est expositum, fuerat prophetatum sibi successorem aliquem post ipsum debere substitui, qui satisfaceret pro utroque, verum licet haec opinio aliquantisper duraverit, et videretur a multis quod sic omnino ante promissum tunc fuisse solutum, nec esset qui contrarium autumaret, tamen aliter videamus impletum.

B 4. Nam, mortuo eodem archiepiscopo, et apud Cantuariam in pace sepulto, post aliquantum temporis beatus Edmundus cathedralm archiepiscopalem suscepit, non sponte, sed invitus. Cathedralm Cantuariensem elegit suscipere non humana ambitione, sed divina, ut credimus, dispensatione qua suscepta quod clam latebat in pectore, postmodum luculentius prohibebat in messe. Erat enim quasi quædam lucerna sub modio posita : sed postquam super candelabrum est elata, tunc certe patuit his qui in domo Dei ambulant confidenter. Nam in diebus suis placuit Deo, et inventus est justus, et pro zelo justitiae, nec regem pertimuit, nec regni majores, nec etiam domesticos, quos rex allegerat in persuasionibus effrenatis tempus redimere volentes, exaudivit ; sed potenti virtute accinctus, murum proximo Domini se posuit, et malens instar prædecessorum suorum affligi pro populo Dei in exilio quam temporalis peccati habere jucunditatem in patria.

C Se igitur subtraxit ab Anglia, et monasterium Pontiniacense est ingressus quasi muro inexpugnabili circumseptus : et in abscondito facie Domini a turbatione hominum veluti in tabernaculo Domini conquevit. Sed ex hac quiete intimum dulcedinem elegit Dominus evocare sainulum suum ad statum interminabilem quietis æternæ.

D 5. Mortuus est itaque in ætate bona, mente secura, spe certa, consummatione beata, sepulture suæ locum eligens, ubi ipse et antecessores sui antea aliquando sicut degens. Verum quia nunquam post aurum abiit, nec in pecunia thesauris speravit, non habuit unde Pontiniaciensi monasterio retribueret, pro omnibus quæ retribuit illud sibi. Ne tamen videretur ingratus, fecit quod potuit, et decem marcarum redditus priori pensioni quam dominus Stephanus assignaverat, adjecit. Et sic item credebatur impletum quod supra a beato Thoma meminimus repromissum. Sed certe largius scit providere Dei benignitas quam sperare audeat humana infirmitas. Non enim sine causa dictum est a Domino : « Qui reliquerit domum vel fratres proprie, centuplum accipiet in præsenti, et vitam æternam in futuro. » Adeo enim benignus et largus est noster paterfamilias, quod non solum dilectores suos renumerat in futuro, sed etiam bene uteribus præstat præmia in præsenti, unde quod dilecto suo in vita desuit, ipse prædilectus et diligens, in dilectoris sui morte supplevit. Nam coruscantibus miraculis, ad ejus excubias ægri veniunt et sanantur, munera deseruntur, et quæ ad mundi luxum depata fuerant in auro et lapidibus pretiosis, ad tumbam sacri pontificis dedicantur. Videres ibi regles fibulas coruscare, aurea discriminalia eminare, monilia insertis gemmis pretiosissimis quodammodo scintillare, gemmas de diversis pretiosis lapidibus annulos radiare, et diversarum imaginum species quasi sanctum Domini adorare. Sed et promiscui sexus et vulgi oblationes veluti quasdam mirantes et forte apud Deum maximas quasi in gazophylacium Domini comportare. Et sic certe absque omni dubio oculo ad oculum hodie videmus impletum quod voce prophetica beati Thomæ martyris olim fuerat prælibatum, nam in duplo vel in quadruplo credimus restitutum quod circa sacros pontifices plura liberalitate sicut depensum. Et haec potuit esse una ratio et non minima quare sit divina providentia, ut beatus pater Edmundus se pro se ac pro suis antecessoribus quasi obsideat daret, et solvendo charitatis seu hospitalitatis debitum, civiliter tamen indebitum se et illos liberaliter liberaret ; et tandem quod fratres domus ipsius hoc debitum recipiant, ut debitum a donatoribus tanquam donum omnia convertentes ad ipsum beati Patris seruandum.

E 6. Nunc igitur convertere aliquantulum, o lector, si vis simplici oratione fore contentus, et dic cum R. Gregorio verba ipsius ad tuum referens intellectum. Quid, fratres, cursus iste significat ? An casu

gestum est ita quo electus ille Domini B. Thomas juris ecclesiastici maximus propugnator, excurrens de Anglia in Pontiniacense monasterium se locavit, et per sex annorum curricula ibidem aliasque perendinans in Domino militavit; et tandem rediens cursum suum felici martyrio consummavit. Nulliusne considerationis existit quod successor ipsius magnus ille Stephanus cardinalis consummatus in archiepiscopum, antequam ingredetur in Angliam, eam pro libertate fere consimili apprebendens, antecessoris sui vestigia subsecutus, tot annis ibidem commoratus, et tandem ad propria revocatus, in pace apud Cantuariam est sepultus? Nunquid a mysterio charitatis vacare credimus quod tantorum etsi non inferior successor B. Pater Edmundus in patria sua laudabiliter conversatus, absens et nesciens ad apicem metropoleos sublimatus, tandem induitus lorica justitiae pro justitia exsulans apud expeditum monasterium in assuetis sanctae vitae operibus aliquandiu conversatus, ibidem tumulatus, et postmodum ad locum honori suo congruum est translatus? Au hoc totum quod circa tam eximios tres, videlicet patriarchas sive primates, quod idem est in re, sed diversum in nomine, casui vel fortunae, et non patiens ascribi debeat dispositioni divinae? Voluitne ea fieri pro nihilo qui dixit de duobus passeribus comparatis dipondio, quod nec alter cadet super terram sine Patre nostro cui est cura de omnibus? Nunquid major cura est illi de duobus passeribus quam de tribus pontificibus? de quibus primus exiens de finibus suis post exsilium est regressus et martyrio consummatus. Secundus antequam patriam ingressus exsilium est perpessus, et tandem in sua sede locatus, ibidem etiam est mortuus et sepultus. Tertius vero inthronizatus in pace exsulans sine pace temporis, in exilio quæsivit pacem pectoris et invenit, et ab hac transiit ad pacem æternitatis. Est ergo in omnibus tribus multa conformitas, et inter se discreta diversitas, de quibus licet aliquid ratione subinxum quid significet, cogitare et probabiliter cogitatum calamo licet humili exarare, et qui dictum causari voluerit, habeat licentiam cancellandi, vel materiam ipsam in meliorem formam et habitum transformandi.

7. Doctor gentium, Apostolus sanctus, Patres Veteris Testamenti in catalogo sub quodam epilogi ponens, nominatim expressis aliquibus aliis a justitiae operibus designatis, tandem concludit et dicit quod tales per fidem vicerunt regna. Fides enim testimonium accepit ab operibus, ab opere operante magis quam ab opere operato; unde sic concludit in fine: « Et hi omnes testimonio probati sunt. » Patres etiam Novi Testamenti testimonio fidei probati sunt, quia testes facti sunt usque ad mortem, unde in laude Innocentium dicitur quod testimonium reddiderunt Domino Iesu Christo etiam non loquentes; et idcirco a Graeco vocabulo, quod sonat *testis*, *martyr* vel *martyres* sunt vocati. Unde non incongrue queri potest quomodo B. Thomas martyr

A proprie dici possit, cum pro fide martyrum non acceperit, ut videtur. Constat enim regem Angliae sub quo passus est, et similiter illos a quibus passus est Christianos fuisse ac fideles, saltem fide informi, nec agebatur ad hoc ut jam dictus præsul aliquem articulum fidei cogeretur defendere, aut aris idolorum thura imponere. Sed erat quæstio inter regem et præsulem de quibusdam juribus, quæ unus injuriam, alter justitiam, estimabat. Quæ quidem quæstio salva fide utrinque et moveri poterat et finiri. Sed ad hoc satis congrue respondet, quod est fides articulorum, et est fides sacramentorum, et est fides catholicæ dignitatis et ecclesiastice libertatis. Pro fide articulorum in symbolis expressorum astiterunt sancti in agone certaminis contra principes, sed paganos. Pro fide sacramentorum et potestate clavium constituerunt doctores Ecclesiæ contra hereticos atque schismaticos a fide devios. Pro fide ecclesiastice libertatis pugnatum est et pugnant hodie fortes ecclesiarum prælati contra principes et tyrannos nomine tenus Christianos. In hac igitur ultima acie fortes facti sunt in bello B. Thomas, dominus Stephanus, et sanctus Edmundus, et suo testimonio probaverunt, quod non minus est testis qui defendit ecclesiasticam libertatem, quam is qui propugnat articulatae fidei Christianitatem. Alioquin non diceret Dominus improveranter malis Ecclesiarum rectoribus per Ezechiel: « Non opposuistis vos murum pro domo Domini, ut staretis in prælio contra ascendentes ex adverso. » Magna enim potestate munivit Dominus vicarium suum, videlicet B. Petruin, cum tradita ei potestate clavium, ligandi scilicet atque solvendi, statim adducit pollicens, quod portæ inferi contra hanc auctoritatis potentiam minime prævalerent. Portas inferi haereses voluit intelligi et tyramicas potestates.

8. Secundum ergo præceptum legis divinae qua dicitur: « In ore duorum vel trium testium stabit omne verbum, » manifestum est quod per hos testes tres eximios probata est peroptime causa atque defensio ecclesiastice libertatis, et pro iudicio demonstrativæ probationis, ratio poscebat ut duo saltem ex tribus in Cantuariensi ecclesia, cuius causa agebatur, in monumentum victorie duo testes legitimæ probationis non solum vivi, sed et defunctorum corpora remanerent, ut essent quasi titulus triumphalis suffraganeos suos ad similia provocandi, et in spe certaminis victoriam obtinendi, nec oportebat ut tertius adderetur qui dispensatione divina ad ampliandum ecclesiastici honoris titulum utiliter ad alias servabatur. Non est enim inpræjudicabile Cantuariensi Ecclesiæ quod corpus B. Patris Edundi ibidem cum aliis minime requiescit, quia ex hac causa nihil deperit, nec honor ejus inde vilescit. Imo bene rem intuenti, certum quod tam personæ quam loco ex hoc plurimum honoris accrescit. Manet autem ejus memoriale quod non derelinquetur in sæcula, quod talis fuit Cantuariensis archiepiscopus, et qui illius sedis patronus fuit et defensor in terris, et procul-

dubio eorum qui credenda crediderint est pius intercessor in cœlis. Sed posito quod corpus ejus inhuminatum fuisset in Anglia, quid honoris et gratiae protot beneficis tantis patribus et successive exsulibus Gallia tunc haberet? Anglia quidem tunc læta foret, sed Francorum patria, in qua fulserunt tam præclara miracula, tractum modici temporis tam celebrem memoriam aboleret. Nunc autem dispensatione divina, ut credimus, melius est provisum, ut unum regnum gaudeat, se tales Deo genuisse devotum, et tantum habuisse patronum; et aliud regnum similiter tali sibi collatum cœlitus fore donum, retinere scilicet thesaurum, vas, inquam, corporis sui omni lapide pretiosius.

9. Est et aliud memorabile et considerabile in hoc facto. Prædecessores sui B. Thomas et dominus Stephanus fuerunt ad suam ecclesiam solemniter revocati, utrum vere, an ficticie, nos facti ignari existimus, et melius rei probavit eventus. Sanctus Christi Domini confessor Edmundus non fuit aliqua solemnitate debita adhibita revocatus. Quomodo ergo venisset invitus, vel potius impudicus, qui pudicitia tam mentis quam corporis fuit hominum reputatione et rei Christianitatem conspicuus? Fecit ergo quod debuit, et ultra se, ne fontem daret in frontibus, non ingessit, sed eorum loco et patria se subtraxit, qui ut ipsum possent retrahere libenter ad tempus cum ipso extra patriam exsularent, et exsilium post vitam sustinerent, quod inviti in vita cum ipso sustinuisse volebant. Providit ergo Deus melius, ut sine ipsis consummaretur in patria, in qua non erat eis calumniandi vel insultandi larga data licentia, quæ ipsis patris vitam atque miracula facile suffocasset, si ejus corporis præsentiam in patris ipsius patria habuisset. Unde provisum est ut illis detraheretur detractionis materia, et Dominus sanctum suum per hoc proveberet ad maiora. Exstant enim ipsis miracula miraculosa tam in Anglia, cui præfuit, quam in Francia quam adivit.

10. Alia, et ut videtur, uberior nunc ratio occurrit, quare separationem dictorum patrum Dei dispensatio sic providit. Certum est quod in Anglia B. Edmundi regis et martyris resurgent miracula pretiosa, quibus patria illa mirifice decoratur, et Deus in sancto suo mirabilis prædicatur. Posito autem et constante quod beatus confessor Christi Edmundus locum sepulture suæ fuisset in illa regione sortitus, ex æquivocatione nominis, saltem apud imperitos fuisset miraculorum attributio obumbrata, et per consequens forsitan diminuta. Et quamvis inter sanctos nulla sit prorsus dissensionis materia, quin potius gaudium et exultatio, sicut de bono proprio de alterius prælatura: vulgus tamen ignarum facile contentionis materiam assumeret, et de sautorum miraculis et meritis plusquam ratio exigeret, disputaret. Substracta est igitur controversie calumnia, et magis relucent miracula ab uno ad alium relata. Et hoc nescio an in spiritu quasi videtur, quod Dei confessor Edmundus, ut regi Ed-

A mundo cum quadam reverentia sanctis congrua, regnum cederet, in quo prius ille pie regnaverat, et per martyrii gloriam, tempus et locum præanticipaverat, ut quierat prior loco et tempore, ei cederetur charitatis honore. Et est verisimile, quod si tam pius regem B. præsulis Edmundi tempora habuerent, quod nequaquam de illa patria excessisse. Quin immo videtur ipso facto quod præsul martyrem honoravit, cum locum, ut dictum est superius, cessit. Nam æquivocationis ab eo sortitus est vocabulum, et non casualiter, sed secundum divinæ predestinationis eventum. Nam ut in ejus legenda diffusius enarratur, mater S. præsulis eam ipsum gestaret in utero veniens ad tumbam B. martyris, motus vitales primum sensit in parvulo quem gestabat in utero, et insans Edmundus nondum Edmundus videtur motu suo martyrem salutasse, et per hoc communis vocabuli gratiam impetrasse. Jam vivus mortuum salutavit, et moriens viventi in cœlo martyri locum dedit. Quia in re quid aliud est pensandum, nisl quod factum est a Domino factum esse creditur, per quem quidquid in vivis agitur, aut mortuis, ordinatione rectissima sive occulta sea etiam manifesta, per Dei providentiam dispensor.

11. Sed et hoc in fine credimus adnectendum, quod ratio superius posita exigebat B. Thomam martyrem in Dorobernensi Ecclesia tumulari, ad cuius gloriam est provisum, ut tantus docto et pontifex cardinalis et primas tandem ei succederet, qui de loco sepulture ipsius sanctum corpus ipsius laudabiliter et condigne transferret, et Scripturarum super translatione ipsa monumenta relinquaret. sicut hodie in Cantuariensi Ecclesia reperitur, quod videlicet præfatus dominus Stephanus archipontifex B. Thomæ martyris corpus de crypta in qua statim in morte ipsis collocatum fuerat, propriis manibus ad superiora supremi altaris loca transposuit, et presente rege Anglorum et fere cunctis pontificibus et principibus, aliquis regni optimatibus, in aureo et gemmato quasi stellato solo collocavit, et modum translationis et ordinem luculento sermone despsit, et cum eo quem prudenter descripserat in Domino obdormivit. At B. præsul Edmundus similem non in loco, sed in modo, omnino habere meruit sepulturam, et translationis etiam modum consimilem et consimilibus indicie gloriosum. Sepultus est enim in Pontiniacensi ecclesia cum gloria et honore, sicut superius est narratum. Sed postquam dominus complacuit sanctum suum amplius sublimare, ut excellentior locus ipsum exciperet, et celebritat ejus memoriam duplicaret, tunc, inquam, auctoritate apostolica est provisum, ut ad hujus translationis gloriam commendandam, cardinalis Albanensis episcopus, antea Rothomagensis archiepiscopus, et non solum ipse, verum etiam Tusculanus episcopus, similiter cardinalis, cum pluribus archiepiscopis et episcopis advenirent, et coram Francorum rege illustri, et quasi coram tota familia procerum regni Francie translationis obsequium devotissime celebrarent.

Similitudo igitur permaxima est in istis, quod utraque translatio de mandato sumini pontificis per cardinales hinc et inde, per archiepiscopos et episcopos utrobique, per reges et utriusque regni principes, et per multitudinem fidelium populorum cum omni veneratione, qua fieri decuit et oportuit et potuit, ut completa, ut ipso facto quasi digito potuit demonstrari, quod Dens et non homo ad honorem sanctorum suorum et ad excitandum devotionem

A fidelium haec insignia voluit procurari. Qui se vult in sanctis gloriosum et admirabilem et superlaudabilem et superexaltabilem in omnibus et ex omnibus et præ omnibus prædicari. Cui est honor et gloria, imperium et potestas per infinita saecula saeculorum. Amen.

Explicit tractatus de promissione beati Thomas martyris facta Pontiniacensibus.

XV.

EXCERPTUM E COD. REG. MUSEI BRITAN. 13 E. VI.

Omissis omnibus quæ rel in juventute, vel in archidiaconatu vel in præpositura, vel in officio cancellarie Thomas egerit, de quo scribere proposuimus, discordiam inter Henricum regem Anglorum Matildis imperatoris filium, et eundem promotum in Cantuariensem archiepiscopum protractam diutius, sub certis capitulis breviter cum tali signaculo &c denotatis fine laudabili concludamus.

Thomas creatus archiepiscopus regis resignavit sigillum.

Archiepiscopus ad postulationem regis distulit archidiaconatum Cantuariensem transferre.

Clarenbaldus sine professione quærebatur benedictionem accipere, regem habens fautorem.

Comes de Clara Rogerus homagium facere noluit archiepiscopo, rege consentiente.

Willelmus de Ros regem non archiepiscopum agnoverit ut dominum.

Willelmus Einesfordiæ dominus Laurentium expulit ab ecclesia, quem excommunicavit archiepiscops opus, rege non certiorato.

Nuntiis regis consuetudines, quas avitas vocant, a domino papa roborari non impetraverunt.

Ab archiepiscopis et episcopis confirmatae sunt regni consuetudines.

Philippus de Broc canonicus Bedfordiæ, propter maleficium est expulsus a regno.

Joannes Mareschaldus archiepiscopo pro manerio quedam adversarius instructus est in curia regis.

Archiepiscopus adversus episcopos appellavit et ab iis appellatus est.

Archiepiscopus tractus in causam ante legatos Willelmu[m] Papensem et Joannem Neapolitanum, ablitorum petit restitutionem, sed non impetravit.

Rex archiepiscopo dare signum pacis in osculo penitus abnegavit et abjuravit.

Archiepiscopus post pacem factam in Angliam rediens, plures armatos occurrentes invenit.

Quæ circa personam archiepiscopi die Martis qualiter evenerint invenietur.

Willelmus Senonensis archiepiscopus, domino papæ litteras dixerit.

B Ab episcopis concurrentibus Ecclesia Cantuariensis reconciliata fuit.

Thomas archiepiscopus canonizatus est a domino papa Alexandro.

Quoties inter archiepiscopos Cantuarienses tibi Thomas protomartyr in Anglia Normannorum temporibus inter legendum occurserit, toties ejus vitam laudabilem, actus extimos, exsiliis, passionem, in morte constantiam, post transitum ab hac luce cælestiem ad patriam crebra miraculorum insignia, sub silentio non præterea.

1172 clero totius provinciæ Cantuariorum generaliter Londoniæ convocato, præsente Henrico filio regis et regni justitiarii, Thomas Cantuariorum archidiaconus et regis cancellarius, nemine reclamante, solemniter electus est in archiepiscopum.

C Electionem factam sine aliqua contradictione recitavit Henricus Wintoniensis episcopus apud Westmonasterium in refectorio monachorum, quarta feria ante Pentecosten. Electus autem Sabato Pentecostes ordinatus est in presbyterum in Ecclesia Cantuariæ a Waltero Rossensi episcopo, in ordinationibus et in dedicationibus Ecclesiæ Cantuariensis vicario. Sequenti die Dominica consecratus est ab Henrico Wintonensi episcopo, vice Londoniensis Ecclesiæ tunc vacantis, episcopo Londonensi Ricardo secundo rebus humanis exemplo, quod ad jus suum spectare dicebat Walterus Rossensis episcopus, sed non obtinuit.

D Nuntiis ad dominum papam directis, quem a Gallias descendenter Willelmus de Monte Pessulano tanquam dominum ligium suum receperat honorifice, celeri relatione perlatum est, quod suffraganei Cantuariensis Ecclesiæ sibi pastorem elegerant, qui concurrentibus omnium votis jam a propria synodo fuerat consecratus. Acceptum fuit verbum istud in auribus domini papæ. Litteris igitur episcoporum, litteris etiam prioris et conventus Sancte Trinitatis, litteris quoque regis in medium recitatis, sub audience cardinalium in consistorio postulatione facta, facilis et jucundus juxta petititionem ab omnibus datur assensus. Pallium itaque cum ea gravitate, cum ea remoratione, cum ea solemnitate qua consueverant nuntiis est commissum,

quod Thomas archiepiscopus in sede Dorobernensi conditionibus solitis involutus, et sacramento constrictus, ab altari majore suscepit. Postquam autem induit vestes summis sacerdotibus, Domino disponeente, collatas, habitum sic mutavit, ut mutaret et animum. Nam curiae curis intetesse non approbans, ut eximeretur a curia, vacans orationi, superintendens Ecclesiae suae negotiis, nuntium in Normanniam regi direxit, renuntians cancellarie, sigillum resignans. Quod altius in cor regis ascendit, in se solum causam resignationis tam subite retrorquentis. Audierat namque quod Maguntinus archiepiscopus in Teutonica sub rege, quod Coloniensis archiepiscopus in Italia sub imperatore, nomen sibi vindicent archicancellarii. Qui nec promiscuis actibus aestimant turbari rerum officia si gestant in dextra baculum pastorale, et ad expediendas regni vel imperii necessitates et pacem Ecclesiae procurandam propensius accingantur, dummodo cancellarius curiae sinistro lateri sigillum allateret nunc regis nunc imperatoris, qui dicitur protonotarius.

Thomas Cantuariorum archiepiscopus obviam regi

A veniens, cum rediret in Angliam, receptus est in osculum, sed non in plenitudo gratiae, sicut vultus statim aversus omnibus qui convenerant, patenter ostendit.

Thomas ex archidiacono Cantuariensi sumptus ad archiepiscopatum, ad instantissimam regis postulationem diutius distulit archidiaconatum transferre. Transtulit tandem ut rex petivit, sed gratiam regis ad tempus subtractam, ut videbatur sibi postmodum redintegrata non ad plenum agnovit.

Clarembaldus abbas electus Sancti Augustini benedictionem ab archiepiscopo Thoma querere accepere, sed in ecclesia propria, sed sine professione, sed spe cuiusvis in posterum subjectionis prorsus adempit. Cum autem rex se verbis hujusmodi non opposuerit, partibus antiquitatis in flumines stare persuadens, et eas omnibus modis quibus id fieri potuisset inducens, alteram inclinatior videbatur in partem.

Capitula quæ sequuntur quare infra in hoc codice anno 1175, etc., etc., etc.

SANCTI THOMÆ CANTUARIENSIS ARCHIEPISCOPI EPISTOLÆ.

EPISTOLA PRIMA.

AD PAPAM ALEXANDRUM.

Littere consolationis, quas vestra nobis dignata est paternitas destinare, magnum quidem mediocriter anxiato afferre possent remedium: aut si saltem nostra circa unum aliquid figeretur angustia, spem nonnullam respirandi possemus ex eis concipere. At quoniam de die in diem malitia invalescit, multiplicantur injuria, non nostræ, sed Christi, imo quia Christi, eo magis nostræ, succendentibus sibi invicem more fluctuum procellis, solum nobis videamus immixtere naufragium. Nec aliud consilium superesse, nisi ut ipsum quasi dormientem in nave pro viribus nostris excitantes dicamus: *Domine, salva nos, perimus.* Et hoc sane aptiore malignandi naeta est iniqüitas occasionem, quod statum sanctæ Romanæ Ecclesiae insirmorem conspicit, ut vere liqueat, quod quidquid in caput, sive bonum sive malum, sive dulce sive amarum defluit, per barbam descendens, nec oram vestimenti relinquit. intan-

D *C*iam. Eripitur Jesu Christo, quod sanguine suo comparavit. In ipsam ejus sortem potestas secularis manum extendit. Adeo ut nee sanctorum Patrum sanctiones, nec statuta canonum, quorum apud nos etiam nomen exosum est, nec clericis quidem patrocinari valeant modo, qui ab hac jurisdictione huc usque speciali privilegio fuerunt exempti. Et quoniam enarrare vel prosequi scripto, quæ patimur, longum esset et tedium, ad vestram mitissimam paternitatem magistrum Henricum, fidem et familiarem vestrum et nostrum, in cuius ore possumus singula, seriatim prout vidit et audivit, vobis expoundenda. Et si placet, credite, tanquam si nos loquentes audiretis viva voce. Hoc tamen sciatis, quoniam, si fieri posset, multo libentius vos in persona visitaremus nostra, qnam in alia. Loquimur vobis sicut Patri et domino: et quod diciimus, summo silentio petimus occultari. Nihil enim nobis tacitum est, cum omnia fere referantur ad regem, quæ nobis in clavi vel in aurem dicuntur. Væ nobis, qui in hac servati sumus tempora, quorum di bus accesserunt